

甘肅青史略上編卷之二十七

中華民國

案中國古稱華夏外夷稱為中華其說有自路史伏羲母華氏居地而南

華胥之渚羅莘實續記伏羲所都國有華胥之淵因其母華胥居地而南

子華胥氏之國在兗州之西台州之北或謂華胥在華山之南

方原高而土曠故又稱為大夏王子年通渭縣人以華胥為九江神女

又云華胥乃閩中俞水之地常環華陽國志蜀伏羲女媧之所常游今蛾眉

有伏羲女媧洞見路隴蜀毗連古帝游覽事所恆有若以蛾眉一洞認為國

都未免近於附會

宇實萬有一陰陽變化而已陰盛陽衰固無以致和純陽無陰亦莫有得中

吾國位居溫帶且當亞洲大陸平原萬里海關天空兩儀中和之氣覆載其間五洲列國罕與比倫是以寒來暑往就燥流溫均適得其正而無北寒南暑西燥東溫之偏國以中名其在斯乎有此山川有此氣候位天地育萬物二氣網羅周流六虛唯變所適故共和尚焉

壬子 民國元年 甘肅尙未承認共和仍用夏歷正月 春正月朔日督署慶賀甘軍克復陝西醴泉縣 元

拂曉時文武往萬壽宮朝賀畢齊集督署賀新年長庚對司道言狄武襄昨夜已取崑崙關矣儂智高復何患乎衆忙然不知所對巡警道趙維鼎索來電閱之始知去年除夜擬

武軍統領陸洪濤占領醴泉司道同聲而賀曰這是我皇上的洪福與大帥聲威所致不出三日便到咸陽此項消息傳出蘭州市懸龍旗慶賀

案民主國之制始於希臘大秦漢書西域傳大秦國置三十六將會議國事王無常人簡立賢者先是西周時希臘人奉其國之大神入必德爾為君公舉賢者為阿爾干以治國

事二年一更今世界各國皆同此俗
中華民國總統任斯亦二年一舉

民主國之制自希臘始時當中西不能言人之

督署禁止元宵節放火

不許如往年之放煙火也

黃賊此舉爲便
遺共和耳與無
故爲亂者不同

案浙江海鹽縣人海製庭燎元夕特盛鹽官縣硤石西山廣福寺有宋碑勅名曰監海鹽
縣激浦鎮兼煙火公事某夫庭燎細事耳見於帶街亦見前代徐發處鹽州燈節前後商
號放花其放花地點在暢家
巷山西人謂放花爲放火

黃鉞在秦州獨立組織軍政府

先是春正月十九日省城各司道商同咨議副議長張
林焱電致政府承認共利事機秘密以二三人代表全

甘紳學界各界鮮有知其事者黃鉞密滿陝西其得共利已成之信在正月初間意謂甘
肅官紳接奉中央電文當較秦州爲最早何以東征軍隊尚未停或博泉既克復謀取咸
陽直進長驅大張旗鼓是直破壞共和防害治安推其原因皆長督一人階之屨耳長庚
爲滿州世僕受恩深重其不肯承認共和猶有可原之慮而甘肅之官紳皆仰視長官
鼻息隨聲附和若不知清廷之業已退位長庚一日不去職甘肅即一日不承認共和甘
肅既反抗共和海內即視甘肅爲公敵竊恐東南各軍轉而西向聲罪致討理屈詞窮甘
肅大局岌岌乎殆哉乃於是月
廿三日宣告獨立組織軍政府

長庚始宣布清庭遜位詔

先是宣統三年冬十二月二十五日即中華民國元年二月
十二日頒布第一次諭旨云朕欽奉隆裕皇太后懿旨前因

民軍起事各省響應九夏沸騰生靈塗炭持命袁世凱遺員與軍民代表討論大局議開
國會公決政體兩月以來尙無確當辦法南北睽隔彼此相持尙繼於途士露於野徒以
國體一日不決故民生一日不安今全國人民心理多傾向其和南中各省既倡護於前
北方各將亦主張於後人心所向天命可知予亦何忍以一姓之尊榮拂兆人之好惡是

用外觀大勢內審輿情特率皇帝將統治權公諸全國定為共和立憲國體近慰海內厭亂望治之心遠協古聖天下為公之義袁世凱前經資政院選舉為總理大臣當茲新舊代卸之際宜有南北統一之方即由袁世凱組織臨時共和政府與民軍協商統一辦法總期人民安堵海內平靖仍合漢滿蒙回藏五族完全頌土為一大中華民國予與皇帝得以退處寬閑優游歲月長受國民之優禮親見卸治之告成豈不懿歟第二次諭旨云朕欽奉隆裕皇太后懿旨前以大局阡危兆民困苦特飭內閣與民軍酌優待皇室各條件以冀和平解決茲據復奏民軍所開優待條件於宗廟陵寢永遠奉祀先皇陵制如舊妥修各節均已一律擔承皇帝但卸政權不廢尊號並議定優待皇室八條待遇滿蒙回藏七條覽奏尙屬周到特行旨示皇族及滿蒙回藏人等此後務當化除畛域共保治安重賭世界之昇平胥享共和之幸福予實有厚望焉第三次諭旨云朕欽奉隆裕皇太后懿旨古之君天下者重在保全民命不忍以養人者害人現在新定國體無非欲先弭大亂期保又安若拂逆多數之民心重啓無窮之戢禍則大皇帝決裂殘殺相尋勢必演至種族之慘痛將致九廟震驚兆民荼毒後禍何忍復言小吉相形惟取其輕者正朝廷審時觀變痼疾吾民之苦衷爾京外臣民務當善體此意為全局熟籌利害勿得挾虛憍之意氣逞偏激之空言致國與民兩受其禍若民政部步軍統領袁桂題馮國璋等嚴密防範凱切開導俾皆曉然於朝廷應天順人大公無私之意至國家設官分職以為民極內列閣府部院外建督府司道所以康保羣黎非為一人一家而設爾京外大小各官均宜慨念時艱慎供職守應即責成各長官改切勸誡毋曠職守用副夙昔愛撫庶民之至意以上各諭正月初已至關長庚祕而不宣至是因黃鉞獨立始披露

慕壽祺曰自古天下之治亂皆人之懷才者爲之懷才者無不思用其才思用其才而不
予以致用之地彼其才又不能不有所用而不出於此卽入於彼入於彼則必有
害於此夫至有害於此而欲求天下之長治久安也又烏從而得之孫文提倡革命三十
餘年屢扑屢起百折不回所謂非常之人而後成非常之功武昌一呼全國
響應清廷遜位山亂而治有志者事竟成也豈虛語哉

省城設陸軍小學堂

以前清武備學堂改組

慕壽祺曰甘肅武備學堂取法湖北而稍變通之形式精神皆有可觀蓋學堂之初設備
也總辦楊增新親往東南各省調查一切故能取其所長也嘗聞總辦勉勵學生之言曰
武備學堂之設以湖北爲最安徽則經理有法故學員較無習氣第局面尙待擴充江南
則興辦有年故氣象頗具大觀而教法雖言盡善湖南則程度尙淺蘇州則規畫未宜河
南甫經開辦尙無優劣之可言甘肅自古爲用武之區青年自天然
軍人之特性加以學與識及鋒而試安見今必異於古所云耶

臨時省議會成立舉李鏡清爲正議長周務學慕壽祺副之

甘肅民智原未開通以之與聞國政事

雜言屢弊誠不免然十室之邑必有忠信不能謂甘肅之大竟無熱心公益深明政要之
人現在舊咨議局尙存有議長某君一二人主持其事其舊日議員早皆風流雲散所有
該局發表事件斷非全體意思今年原係改選之年若不速行舉辦將此後關於地方一
切舉廢雖咨詢該局而各屬不予承認其結果必歸無效且共和立憲之國而下無完全

議會名實不符勢必演成宇宙間一種怪象為今之計非規定臨時選舉簡章或飭各屬
 選舉賢員組織完全省議會不可也省各府廳州縣優秀份子於是月廿四日在省文廟
 組織臨時省議會農商兩界共來千餘人投票結果以李鏡清所得為最多李鏡清者字
 鑑亭狄道人也才兼文武遇事敢言以拔貢知縣分四川後因迭次勦匪在知縣任內
 統帶新軍五營故其名為婦孺所共知及錫良任雲貴總督時奏調鏡清之雲南以道員
 練兵駁發乎可大用矣官統三年秋八月武漢起義即旋里歲暮抵狄道以聯絡同漢共
 保治安為宗旨鄉紳笑其怯極反對詆毀時甘軍援陝大局未定漢回相忌官紳互猜河
 州諸議尤甚諮議局解散無人故舉鏡清以促成共和鏡清年少氣盛遭逢改革欲逐

功每談及時
 政輒厲聲色

慕詩祺曰前清豫備立憲亦嘗設咨議局矣然必咨而後議議員名額寥寥如數點晨星
 以云民權徒空言耳夫專制時代其大權在長官民為咨議其實皆敷衍塞責之謀共和
 國家其主權在人民凡所更張要必以服從輿論為本局勢不同手續亦因之而
 異觀於文廟之投票而知民氣之日漸發揚也中山所謂選舉權此其一端也夫

長庚遣馬忠孝劉文繡率兵赴秦州

黃鉞為促進共和已於秦州設軍政府長庚聞
 之大驚曰是兒乃革命黨耶何無一人告我甚

矣人不易知而知人亦不易也乃議進兵事宜馬福祥薦其鄉人馬忠孝謂可辦大事周
 務學薦其門人劉文繡謂勤苦耐勞遂以忠孝為統帶文繡為管帶一漢一回各率兵向

秦州
 進發

劉玉山 閩人 由
武探花 在宮門
當差 期滿任慶
國營 游學後與
督標 中條 殆與
通之 流亞 歟

副將劉玉說總督長庚據陝甘以圖恢復長庚不聽

清廷遜位詔此間已奉到長庚不聞不肯蓋不忍清之遠

亡也會黃鉞在秦州獨立李鏡清又舉臨時省議長庚知人已去無力回天擬由甯夏回京醫標中協劉玉謂長庚之有去志也乃獻策曰昔元順帝走北莫王保保據蘭州以圖恢復李自成陷北京回酋米喇印據甘州以起義師今者共和成立相具規模我公坐鎮西陲人心愛戴居上游之地為遠大之謀事成則為曾文正旋轉乾坤不成亦不失為王保保由甯夏入河套聯絡蒙古捲土重來吾恐項城聞之食不下咽也長庚曰大厦將傾豈一木所能支玉曰前督升吉甫已回平涼發急電催其速來俟磋商就緒再約迪化大事可成也長庚曰茲事體大容吾細思玉出謂所親曰事不諧矣不出三日玉旋里

二月朔蘭州始承認共和

是日也冠裳楚楚軍政各機關齊集省議會禮堂慶祝共和說雖專制歡聲雷動淑氣春回巡警道派舉蘭縣知事賴恩

培往督署報告長庚即將陝甘總督印信交省議會

前陝甘總督長庚去職

先是正月下旬項城總統電令長庚以都督名義暫維甘肅現狀長庚揮淚對司道而言曰吾老矣不能改王保保之為人而

救顏事仇人雖不言獨不愧於心乎至是聞省城懸五色龍旗自行共和政體知此不能一日居定初二日首途由甯夏督京屆時出北門渡河登王保保城欽息而去王保保城在省城河北背擴廓帖未兒所築以攻蘭州者也

幕壽祺曰宋李及知杭州在郡數年不市吳中一物比去惟購白樂天集一部清初湯中丞潛庵城撫吳敝篋數肩不增一物於舊比去惟市廿一史一部當時賢之長庚開府西北又高出李幼幾湯文正之上矣比其歸也行李蕭然出帶甘肅新通志一部嗚呼廉矣

皋蘭縣民衆請免民事訴訟費省政府不許

去秋武昌起義蘭州地方審判廳皋蘭初級審判廳皋蘭縣署照舊接收訟訴

並徵收訟費民衆以向無此例紛紛向省政府請免訟費長此駁之

訟費烏乎起曰有兩原因焉其一所以防一般人民之輕訟蓋人不能無羣有羣斯有爭有爭斯有訟若不有以限制之恐狡黠者逞誣陷之能謹愿者受無窮之累變詐百出防不勝防本依法定審判以平爭轉以訴訟便宜而多事則不能不有一定之訟費也此其一種原因其二將以使審判費用之有償蓋國家爲簡人事務執行判斷一切費用使概由國庫支出則訴訟者與非訴訟者同一負擔殊非情理之平然此種費用悉以責諸訴訟者全償

之則又有所不可何則審判制度原爲社會共同生存之利益計個人以特別之故而煩國家之特別勞費只須代償若干以爲補助不必徵收國家所費金額之全部則其不能不有一定之訟費也此又一種原因溯厥原因無古今中外一也議者不察以爲近來民間有一事之不平欲向官長呼籲小則廢時失業大則破產亡家丁也書也役也以訟費無明文規定大抵暗中索取肆意誅求正案已銷牽連未已此皆爲民之蠹而實亦官之蠹也綜此理由遂謂中法不如西法抑知西法之中固有與中法相同者乎考之周禮以兩造禁民訟入束矢於朝然後聽之以兩劑禁民獄入鈞金三日乃致於朝然後聽之兩造謂兩爭者皆至於公庭也兩劑謂兩爭者券書也百矢爲束入矢所以自明其直金三十斤爲鈞入金所以自明其實不直不實沒入

其金矢直者實者猶可還之雖貧民亦未遽困也其不能致者又於外朝設
肺石寢門外設路鼓以達之尋繹此義可見我先民聽受民訟通達民情固
有大經大法以垂後世而初非淺見者流所能窺其萬一者外國訴訟其百
年前之黑暗與我國秦漢以還無二致幸彼中學人輩出相與研究而訴訟
制度遂於世界上啟大光明何以見之彼之司法手數料卽我國訟費之意
也司法手數料中民事刑事其最著者以民事言則依裁判行爲之難易訴
訟規程要件之異同判斷要求之大小輕重及訴訟物價格而設有等差費
雖出於原告而結果歸收訴者負擔之原告理直猶可償還卽周禮束矢鈞
金之之意也以刑事言則依事物費用及罪狀罰則而定惟實際上被告者
往往甚貧國家於此種手數料常自其棄徵收之權而使歸國庫負擔僅證

人鑑定人通事等費責令犯人繳納其貧不能繳納者時或爲之酌免亦以事關公益不能與民事同論卽周禮肺石路鼓之意也由是言之大凡事理必有當然之極苟用其極則古今中外初無二致特患無人爲之推究耳法部有鑒及此於光緒三十三年奏定京師各級審判廳試辦章程內有訟費大概之規定近年復擬定民事刑事訟費暫行章程奏請飭交憲政編查館核議可謂知本者也夫處積重難返之秋而爲窮變通久之計醉心西法者方謂事事爲中國所未有幾欲步亦步而趨亦趨而默守先型者又鄙薄西人以為事事不足取法不明乎損益會通之故而徒有古今中外之見存其不爲悖且愚者幾希

省政府通令各縣種樹並頒發章程

都督趙維熙在甘肅久知抗旱原因由於水分不足蒞任後首以種樹爲急務

前清光緒三十一年農工商部會咨各省一律講求造林之法並將所轄境內適於造林之區域與國有天產之森林限期咨報甘肅地雖邊遠而造林區域以西北爲適宜當道飭令各州縣講求林政以種樹之多少定成績之優劣一時雷厲風行敷衍塞責者固不乏人而認真講求者亦復不少奈林業爲利甚溥而收效較遲若國家無整齊劃一之章程官府無切責營辦之責任而全恃民人自爲之能力蚩蚩者氓亦知林業之關係重要思有以振興之惟森林法律未布森林警察未設雖種樹如郭橐駝而成材者被人盜伐發萌者被人蹂躪加以牛羊踐踏保護無人欲其成林豈乎難矣

慕壽祺曰我國古無林業之稱然山虞林衡載在周禮稽其職掌與其禁令揆之各國大略同焉孟子曰斧斤以時入山林材木不可勝用供用之中保

安之意寓焉矣特自阡陌之制開山澤之禁弛取之無節養之不時於是場圃之師僅談瓜果田舍之婦但話桑麻而濯濯童山遂無復過問者矣蓋其時制作備陋工藝未興林木之用苟焉取給而已若夫林業可以保安其學理既未發明故上下均無由注意今則非昔比矣

都督下剪髮令

剪髮原取大同主義非自民國始也前清資政院於宣統初元爲全國輿論代表痛外人之歧視鑒習俗之非宜兩次建議陳請剪髮時勢所趨斷

難膠固况民國成立各省多已剪髮甘肅各縣垂辦仍多幾類此吟彼域之分尤味相觀而等之義非所以昭大同表共和也督軍趙維熙會同省議會下剪髮令並將不宜辦髮之理由詳故言之

剪髮理由

剪髮原取大同主義近年以來如前清資政院爲全國輿論代表痛外人之岐視鑒習俗之非宜兩次建議陳請剪髮足見時勢所趨斷難膠固刻下南

方各省多已剪髮而北方各省垂辮仍多幾類此畛彼域之分尤味相觀而善之義茲將必須剪髮之故爲我國民剴切宣告由省政府演成白話告示廣爲勸諭

一留辮非中國本俗魯論左傳皆以被髮爲可痛如吾其被髮左衽及伊川之民被髮野祭併古詔解辮受職之類近代易挽髻爲垂辮無非意主便利而剪髮則尤較辮髮爲便利如疑髮膚不可毀傷則昔日之辮髮已難四周可見此事以從便利爲宜不得謂髮之四周可難而髮之中心不可難也且髮爲血餘如指甲之爲筋餘髮之宜剪無可疑也

一留辮於外交不便萬國大同凡今所謂強盛之邦文明之國莫不剪髮卽東南洋各國前有挽髻及垂辮者亦莫不改從歐西之制誠以留辮之俗昔

則蒙譏於經史今又見誦於歐美此外惟各國視爲蠻野及有所猜防者乃故令留辮以示殊異此萬不必顧惜也

一留辮於軍事及農工不便中國近五六十年凡在軍營當兵勇及爲將領者身當前敵皆盤辮於頂取戰鬥擊射之便利其餘農人之耕鋤種植者各工人之作工者挽車者亦無不盤辮如當時例准剪髮則羣情早已樂趨自無留至今日之理然夏日則徒增熱度於衛生殊不相宜而機器各廠內髮辮一纏牽挂則多傷生命此又種種有妨礙者

一留辮於衣服被褥等易增穢垢垂髮於後則無論何種衣服被褥凡當剪髮所垂之處無論長短皆有油染洗浣亦不能淨如剪髮之後則衣服等自可免此層穢垢向可用一年者即可用至數年中人之家以節衣縮食爲本

此項費用所省必多是於貧民生計有益也

一留辦於民國觀聽有礙刻下南方各省人人剪髮已成國俗而北方各省

自官紳軍學各界外剪髮者尙屬寥寥近年出洋留學者剪髮爲陸軍者剪

髮當時通人之論也然彼時一剪一留已嫌制度不能畫一情誼不能貫通

今民國維新更宜從同一以免疑似之嫌一以增親愛之感也

省議會咨請都督宜速調回援陝各軍隊

辛亥之變甘軍援陝者張行志則率固原提標六營駐方鳳翎凌共專則率省防軍

五營隨升允開往陝西馬安良則率回車一十營射擊乾州與陝西張雲山

體改爲共和係經濟廷允許通諭天下一律罷兵爲保安皇室保全民命起見甘肅軍隊

已入陝境升允抱激切愚忱或執前次朝旨爲辭仍然督率前進急宜以理諭之總以恪

遵最後朝旨保全一方生靈爲重並宜分函通知各統兵官令張行志統率所部仍回固

原本任鎮攝腹地馬安良統率所部駐紮慶陽一帶以備北邊陸洪濤駐守涇州保護商

路其餘零星小部分別調紮以次遣散即前之大陸軍隊亦應按月酌裁一二營以節餉

精軍械即交本營陸續解省期以一年裁盡如此辦理軍人固不至一時失業譁噪即新

政頒布亦不至有人民驚駭土匪蠶起之虞萬一升允執迷不從常聲明此項軍隊皆甘

不遇疾風焉知
勁草先太剛受
周師轉勝眼死
而五代史不為
立傳國民軍革
清命凌參將死
而清宮未必知
有其人傳與不
傳世真有數在
耶

升允者聞太清
之忠勇欲興行
前線在鄂州日
營致書太清曰

肅供餉給械甘既遵旨兵自應歸甘調遣如抗違命令是抗違朝旨也甘肅
即不能認爲本省軍隊另派兵防邊免致上受政府詰責下招天下公憤

慕壽祺曰甘軍之初援隊也己遣張行志陸洪濤兩軍星夜馳往矣長庚又云巨廈之傾
一本不能支洪河已決病壞不能救生民墜於塗炭干戈遍於四方非回漢會勦不足以

寒其膽而犁其庭於是馬安良招募西軍二十營此二十營者在乾州城外血戰數月
狗彘厭人之肉魚食人之餘骨積高原臭聞千里鬼哭寒草之下風號無人之墟及共

和官布陰曆正月朔升允命陸洪濤攻克壽泉長庚聞
之以爲狄青元夜奪魏雷關不過如是而已滌矣哉

沙州營

在今敦煌縣城

參將凌太清聞清廷遜位死之

太清廣東嘉應州人以軍功投甘肅督標營久不得志光緒二十五年

岑春煊山廣東布政使請甘藩司許太清爲大器太清亦慷慨激昂時以忠義自許聞者
或笑之歲庚子聯軍入京變與倉皇出走時岑公率兵勤王檄若帶一營問道由北路前
驅抵大同拜迎車駕於道左奏對稱旨兩宮尊命隨扈至陝登蒙賞賜異數也旋授甘肅
沙州營參將飭令赴任沙州汛地在今嘉峪關外敦煌縣僻處邊遠他人視爲畏途太清
感聞命後欣然就道在官十年時圖報稱聞共和成清廷禪位詔下以地處邊遠未得消
息之真兒督署所行公事有民國元年字樣即日仰藥死論者謂爲愚忠其亦鄰於刻矣
慕壽祺輓凌參將詩五族鑄共和荆棘泣銅駝前途盡倒戈逐流而隨波莊哉凌參戎以
死效其忠傳之史策中百世良足風君本良將村家住越王墓仗劍隨西來名心冷於灰
在昔歲庚子拳匪禍所始翠華行未止勤王天顏喜隨扈入青門官卑近至尊身荷九重
恩命探黃河源莽莽古沙州鐵馬玉關秋男兒壯志酬萬里竟封侯出關甫十年橫戈威

風海... 文文山... 不為... 人... 古... 不... 世...

防邊忽將世變遷無力挽回天君門隔萬里臣心惟一死小臣能如此令人肅然起人生... 一世蒙所賞勳節操重比泰山高輕則等鴻毛其間重與輕在人抉擇精君死儼如生貽... 厥身後名大節凜邊陲孤忠天地知我亦贊一辭斯又何須悲... 贊曰士大夫膺高爵厚祿而又身負重名夙昔以忠貞自許一旦遭逢鼎革更事二姓者... 何多也凌太清一武夫耳而不忘故主之義如此或曰清廷遜位故主猶存如太清者可... 以死可以不死而竟死矣... 此豈非出於其性者耶

省議咨都督請實行陽曆會

政令既一制度自無紛歧國旗軍旗尤為代表新國家新... 陳之具自應先行刊刻樣式使各界一律仿製懸挂以壯

軍瞻宣布之日尤當慎重將事舉行大典並令內省外各府廳州縣街市懸燈結彩俾國... 親觀聽一新以示遵重共和政體與民更始之意惟蘭州市仍用陰歷並有稱宣統四年... 民會五洲各國通用陽歷吾國獨用陰歷種種不便雖久為海內通人所訾議在甘肅... 者然用之愚民必滋詫怪似宜仿日本辦法公文書年度均用陽歷民間之習用陰歷者... 則聽之至各項制服官從軍警學三界遵照辦起尤須從長官先為之倡薙髮一條亦當... 出示各從其便有對於改用服色已經薙髮之人或故意加以侮辱者應由警察干涉予... 以薄懲

案大槩作甲子容成造歷見於世本則黃帝以前固嘗用陽歷矣民國既建

中曆以陽曆為標準
而陰曆則以月相為標準
故陰曆之月長短不一
而陽曆之月長短則一
此陰曆與陽曆之別也
然陰曆之月長短不一
故陰曆之月長短不一
而陽曆之月長短則一
此陰曆與陽曆之別也

南京始用太陽歷蓋太陰歷以月計年氣盈朔虛相差十日有奇必以閏月補綴用算雖精徒為勞費迥不若太陽歷之易簡也沈存中筆談已先言之矣今人或言古人嘗用陽歷長沙葉德輝證以古文春字從日不從月復有尤某證以顛頊歷立春為元此皆足為知陽歷之證不足為用陽歷之證也自統天術以前歷家學皆推溯歷元顛頊之元用立春特與諸家用天正冬至為異若云顛頊用陽歷則諸家皆可云用陽歷矣

慕壽祺曰省城農商兩界習慣自然頗以陽曆為不便且謂日本維新歷三十三餘年民間猶沿用陰曆甘為遷遠省分何必依樣葫蘆豈知考文章改正朔易服色此可得與民變革者也大抵事若可行不必皆有故事而即可以變通俗所不安縱有經典明文而亦無補時艱况陽曆為各國所通行者

乎

三月任命趙維熙署甘肅都督

先是二月初長庚去職省議會及農商各界公推巡警道趙維熙暫代都督職務惟甘肅種族複雜隕隘遼闊

又當新舊過渡之時恐非文治派所能勝任現署新疆都督楊增新才堪機警胸有甲兵官甘有年漢回悅服以之長甘實屬人地相宜省議會為西北大局計密電項城總統請任增新為甘肅都督以資熟手而洽輿情回電謂新疆尙未救平辦理一切惟增新是賴所請礙難准行三月十五日政府任命維熙督甘四月十五日任命俞明震為提學使張炳華為勸業道金承蔭為西甯道洪廷斌為高等審判廳長賴恩培為蘭州府知府陳必淮為甯夏府知府魯爾斌為甘州府知府二十五日又任命何奏為提法使甘肅政界名稱因之以定五月十八日任命楊增新為新疆都督不得生入玉門關矣

都督趙維熙嚴禁罌粟

罌粟花明末入中國千葉起樓色紅而醜民家園圃種以為玩品或鬻於市具絳紅白三色而單瓣者則未有自道光末年始

有種者成豐以後鴉片由廣東販運入甘吸者日多種者亦日衆利厚工省又不擇土之肥瘠故趨若鶩焉取液膏既諳其法遂自吸食而沿及妻孥久之所丐亦然其傾家而致死者不可屈指數前總督左宗棠以罌粟之逼甘肅也深惡而痛絕之飭令各府廳州縣嚴行禁種惟秦州奉行最力其他視為具文光緒初鞏秦階道譚繼洵力振宿弊飭所屬府州縣先禁冬種後禁春種又於二三月間飭各州縣官率鄉總嚴行查禁並量給鄉總口食夏初結報其查禁不力者委員查勘即請參斥各城鎮禁開煙館諭民種棉種桑

今定西縣西鄉
山中廟即元
鐵將軍祠也
之王保也村
之保英雄殆
農於性之所
由於性之所
耳

順帝遷居
而帝號存
翠祿氏又
翠祿氏又
王朝漢元
壯復名雖
實宋亡

以裕本業並請將查勘出力印委各員又張四字簡明告示每年五月親行查禁懲抗違者未幾總督奏請重抽煙釐民以為弗禁也復紛然起不過偷種而已自宗棠去後大種

特種矣宣統二年奉旨限期禁絕已報肅清矣國體變史法網疎闊無知小民有偷種者維熙嚴禁之

慕壽祺曰天生毒卉禍我中國甘肅受禍最深抽收上釐且為出口貨之一大宗此遍地之所以種罌粟也以左宗棠之嚴厲猶未能廓清其他復何論哉清未升允舉行新政惟

於罌粟認真禁絕自光緒三十四年以至宣統辛亥此數年中民頗畏法不敢偷種後法稍弛又復萌蘖而長官猶能禁之嗟可畏哉

前陝西巡撫升允至蘭州

駐皇華館一日約賓客過河北登王保保城賦詩望北流涕而歎曰河山不殊舉目有今昔之感時勢造英雄安見今人

之不古若耶問賓客曰保保何如人或曰即擴廓帖木兒也不答又一人起而言曰明太祖稱為奇男子宋之文文山明之史閣部不是過也升允點首者再又問甘肅有保保祠

堂否或曰亡國之將誰其祀之升允誦丁謂之言曰古今所記忠臣孝子皆不信狼心而梟音也

慕壽祺和升吉甫中丞登王保保城七律二首原韻其一云不愧中流砥柱

身奇男歲歲起邊塵潼關已失哥舒翰元社猶延鐵木真爭奪河山餘戰壘

英雄閩閣亦傳人興酣拔劍蛟龍吼座有將軍酒百巡其二云明知一而力

難當留取丹心照應昌元史累稱爲擴廓蘭州何忍殺于光金風沙磧空秋

草玉壘關河對夕陽今昔情形渾不似休教胡馬過邊牆

巨國桂曰鄴侯詠柳聊寫所懷東坡詠檜本出無心嫉忌者猶從而媒孽其

短况此詩之對症下藥乎吉甫清室老臣圖謀恢復將學王保保第二少堂

不忍塗炭生靈直言規諫殊欠詩教溫柔敦厚之原則非吉甫大度包涵其

不蹈李蘊芳之覆轍者幾希矣

漢楊惲曾定
太守孫期
陷大辟期
李夢陽坐爲
王宸濠作書
記下廣信獄
皆什出文字
之應紀傳者

附記李蘊芳文字之獄蘊芳字湘洲涼州武威人少有才名風流跌宕時人未之知也戴名世任陝甘學政按試至涼州得其卷蠅節稱賞始知名於一鄉蘊芳益自砥礪於書無

不讀著述甚富好直言人多忌之而不得志於有司旋由舉人出宰百里數與名世書札相往來比名世以文字誅蘊芳亦獲譴蓋忌者嫉陷之也詳見潘挹奎武威耆舊傳

籌設五族學校

甘肅地處邊徼實合五族而萃一堂其性情不同其宗教各別以言乎漢則義軒後裔冠絕古今以言乎滿則涼莊駐防繁衍孽息以言乎蒙則阿

拉等旗毗連甯夏以言乎回則穆罕故族布滿河湟以言西藏則古稱爲秘密國者今且大開門戶種類之雜無甘肅若漢滿回同居腹地於外交無甚關係蒙藏地大物博足以

誘起世界殖民家之野心故俄人對於外蒙古日本對於東滿英俄對於西藏莫不苦心經營爭先染指今欲爲固圉計宜令蒙藏之人與漢滿回各族對世局宜覺悟以危論相警告庶幾不爲人欺乃起視四境廣瀕者或流爲荒蕪饒沃者或困於疫癘素稱爲文明禮義之區甚切如坐幽室中茫然一無所見則以教育未普及故今將化除畛域灌輸文明學校之設其急務也

提督馬安良率西軍由陝西回甘

安良之初至乾州也馬壯兵雄不難滅此朝食及聞是年十一月十三日即西歷一千九百二十二年一月

一號組織中華臨時政府於上海建號中華民國即以此日爲民國元年元月元日孫文赴南京受任宣讀誓詞舉由代表團推舉爲總統呈總統印信由孫總統接受如儀各代表又推徐紹楨讀頌詞讀後孫總統答稱誓竭心力勉副國民公意大衆更擁呼而散孫總統遂立中央政府爲行政總機關中央設參議院各省設省議會爲立法機關並提議改用陽曆交參議院公決參議院議員暫以各省代表充選即日通過改曆議案以十月十三日爲正月一日並爲中華民國紀元電各省公布又議定政府制度暫仿美國制不設總理但設各部總次長如下陸軍總長黃興次長蔣作賓海軍總長黃鍾瑛次長湯壽銘司法總長伍廷芳次長呂志伊財政總長陳錦濤次長王鴻猷外交總長王寵惠次長魏宸組內務總長程德全次長居正教育總長蔡元培次長景耀月實業總長張謇次長馬和交通總長湯壽潛次長于友仁安良出之私謂人曰此成大事者也政治改革與專制政體迥乎不同豈猶同室操戈致招後人之評論耶從此徘徊觀望不急攻乾州清廷遜位詔宣布後升允仍督催進兵安良不聽陰令西軍陸續回甘道經安定縣所有回軍

馬步隊各帶槍械由間道回河州安良帶衛隊進省寓南潭

都督趙維熙復遣吳炳鑫率兵赴秦州

黃鉞獨立全國皆知袁總統電令甘肅軍事長官及省議會議長務以和平解決黃鉞亦

酷愛和平惟雙方條件一時不能磋商就緒秦州正紳張世英出而調停之都督趙維熙急不能待謂秦州獨立在省城承認共和之後是無名之師也不自取消而又多方以難我與其遣使出疆徒勞往返何如與師動衆一決雌雄遂命吳炳鑫領所部馳赴秦州已次伏羌縣伏羌距秦州一百一十里可朝發而夕至也議會接張世英電請速制止吳軍議長李鏡清力爭之都督電炳鑫勿再前進

李鏡清取消督署儀仗及舊名稱

先是陝甘總督節制陝西新疆巡撫其位甚尊皆以大帥稱之每出門則儀仗盈街此皆專制時代之積

習也至是共和告成不宜沿用舊習鏡清力主取消實行改革督軍趙維熙深以為然

案吳志周鮐傳錢塘大帥彭式等蟻聚為寇宋書自叙索虜大帥托跋燕自率步騎數十萬以此稱加之盜賊及鄰國之君奚不可者大人為近今通稱此二字亦有所本明時部院長吏悉稱大人菽園雜記項忠視篆日語四司云吾不如白大人有福爾各司凡事慎之白大人者謂白恭敏公也今則人人大人矣至老爺二字在僕隸媚主固無不可若士類從同自稱老爺廉恥道喪體統安在前明孫初陽先生以萬歷士子舉於鄉官右檢都御史巡撫登萊居鄉時人以老爺稱之若有不安者甘肅省城莊嚴寺內懸一德政匾

稱陝甘總督爲大老爺時去明未遠殆猶有古風焉乾嘉以後凡進士出身及以一榜得官者始稱老爺今老爺之稱不聞已久人皆以大人自居矣

幕壽祺曰陝甘總督在西北尊無二上矣僅稱之曰大老爺乃一變而稱制軍再變而稱大帥卽一稱謂間而世降可知矣夫尊人之稱者諂受人之尊者驕究之能諂者無不驕

而驕者亦無不諂地則異而情則同習俗相沿遂成一婢阿世界

省政府令知縣方景周開墾河曲荒地

河曲者黃河九曲在今青海貴德縣境土地肥美如上下郭密地方前朝業已開墾後棄

於夷清末西甯道呈請墾荒經部議准旋遭改革事中止至是重擬往事委方景周往郭密開局試辦或曰河曲與延綏之河套皆在黃河曲者河曲開空虛無際不若河套之三面環河也河曲無城郭不若河套之設有州縣也山谷沮洳不若河套之一望平坦也荒蕪已久十瘠沙深不若河套之膏沃也僻在一隅不如河套當西北之衝兩介於秦晉也河套可守早已棄之更何有於河曲不毛之地雖欲墾之其將能乎

案郭密屬西甯縣是年冬委員方景周回省爲余言上下郭密地平而水足且田畦宛然確爲前代所開闢此次奉令招墾西甯附近居民自備牛隻子種每戶領荒地一百墩因氣候比西甯稍寒先種青稞以試之夏歷端節後下子九月杪上場每墩收數比西甯倍之者三蓋地氣鬱積已久故發洩而無遺也又言初出省時帶步兵一營以防不測及開局辦事並無人出而阻撓足見番民知識漸開而一切風水之說不與焉倘庶續進行荒蕪悉變爲熟地矣余聞於委員者如此

慕壽祺曰准南子云非強不能服非威不能制明初鄂愈招諭河州雖絕遠如朶甘思烏斯藏威慕義來歸况河曲近在咫尺乎夷既退出河曲一片荒蕪無人耕種可惜孰甚焉昔王莽設西海郡徙天下有罪者居之今東南各省犯罪入獄者約在八百萬人中央徙罪人實邊下一命令復何難之有哉

省議會提議維持回族宗教

就回民自述之典言之祖曰阿丹生於天方之野產七十胎每胎男一女一耳為夫婦至彌撒而其教始興又六

百年當隋開皇中有穆罕默德者生而神靈闡明清真之教回衆翕然從之其教始盛今回民稱天方教自稱曰穆氏以尊穆罕默德故也又曰膜民以阿丹初生之祖言也其書

有天經一部回族稱為穆罕默德所受之天者又天方性理天方經典兩部則明代金陵回民劉智所撰皆發揮天經遺意以漢人文字潤色之其教以誠主為宗旨似儒者所言

明心見性以敬事為主似儒者所言制外養中其教規所謂天道者五一日唸謂誦經一日禮謂報恩一日齋謂絕物一日課謂忘己一日朝謂歸真所謂人事者五謂倫常之理

一日一禮拜亦與泰西各國同蓋其原本出於天主耶穌而時雜以佛氏之說稱華人為大教自稱小教非如奇誕詭異之流傳以勾結為事煽誘為能也是故雖處中國千數百

年婚姻未通俗尚各別傳習不同而未嘗敢萌他志歷代任其翔泳於區宇之內讖禁無聞前清錄其人才准其仕進回族由文武科中得官擢至督撫提鎮者亦不乏人固未嘗

以其異於中國而外之也乾隆四十六年甘回蘇四十三等由西域歸自稱得天方不傳之秘創立新教煽惑愚回謀為不軌四十九年田五繼之大軍先後致討罪人斯得其根

株未能淨絕嘉慶年間有穆阿訇者與靈州馬化龍之父馬二復以新教私相傳授至馬化龍而其黨漸張京師北門直隸天津及黑龍江吉林之寬城子山西之包頭湖北漢口

左文襄奏
稱新教與
舊教之分
別不在氣
味其氣味
當一孔無
後此之分

等處均有新教徒黨在彼傳教傳教之人曰海里飛如內地之稱經師曰滿拉如內地之稱蒙師而品望皆在阿訇之次馬化龍則自稱總大阿訇其教規大約與回回老教同惟老教誦經則合掌向上新教則兩掌向上而不合老教端坐誦經新教則夥誦隨隨頭搖而肩聳老教送葬不脫鞋新教則脫鞋送葬凡茲細節異同固無關係及輕重惟回族每爭教一次漢人即流血而一次遠者無論矣乾隆四十六年循化撒拉回之亂四十九年靜甯田五等之亂同治元年西甯原聚三之亂光緒二十一年河州周奇試馬麻武之亂其始皆由於爭教其繼遂陷於叛逆前車者後車之鑒新教者舊教之仇有地方之責者謂不嚴禁新教自是厥後或二十年或二十年故態復萌一倡百和又將煩兵力也豈知禁令愈嚴傳習愈眾無人以緘其口無術以革其心近於新教之外又有新新教新新諸名目有一教創之於前即有傳習者隨之於後雖有嚴利峻法其何從而禁之天福中國五族一家甘肅民族漢回為兩大宗旨省議會為消弭戰禍聯絡感情起見擬將前清之禁令一律取消漢回處於平等地位凡習新教者多方勸導期自覺悟舊者無失其為舊也新者毋自謂其為新清真宗教賴以維持至於焚不擇日不惑風水殮屍以食塋不用棺祀親不燒紙錢不食猪狗不飲酒禮拜必先沐浴其餘皆仍舊

幕壽祺曰回民散居各省同隸編氓而惟甘肅門宦為最多亦惟回教派別為最雜凡回民聚集之處率有傳習新教之人乾隆時回酋馬明心等創立新教回逆田五等聚眾滋事後清高宗諭陝甘總督謂查辦此案止當分別

承認共和邊境前證時代 民國

蘭州俊華印書館出版

卜算子 卜算子 卜算子

卜算子

從逆與否不必論其教之新舊同治十年大軍克復金積堡總督左宗棠奏
請飭令各省凡回民習新教者一體嚴禁穆宗批令從緩辦理非僅恪遵祖
訓也蓋漢回同為甘肅人民若因區別新舊教設為厲禁地方官吏稍不加
察書吏藉此搜求騷擾必致回衆驚疑轉生枝節故議會再三討論對於各
處回民分良莠不分新舊果能如此辦理漢回或可相安於無事矣

夏四月省城礮隊蠢動城關火起省議會出而維持之

陸洪濤所統之礮隊營於四月十九日夜因索餉譁

變同時小稍門失火南關又起火兩處省城人心惶恐省議會正議長李鏡清副議長慕壽祺出維現狀向天成亨匯票莊商借關平現銀三十萬兩發省城各軍欠餉消弭亂源地方未致破壞八月望日鞏昌兵又譁變蓋由管帶李憲恩扣餉之所致

省政府通令各府廳州縣勸漢回通婚並禁止婦女纏足

前清光緒二十三年總督陶模勸諭漢回通婚

三十一年甘肅已禁止婦女裹足矣本年四月十三日奉臨時大總統令現在國體改定聯合五族組織新邦必宜使珍域胥除情誼日洽查舊例於漢滿蒙回皆有擅通婚姻禁

軍官扣餉不發
兵士饑而走險
豈好變哉不特
已也

令而同藏兩族與漢族結婚者亦少近年屢議豁除舊禁疏通習俗或頒布而尙少奉行或勸告而猶多疑阻刻下共相伊始五族一家若仍於婚姻一節有此疆彼界之拘則睽隔殊多何以免參差而昭聯合爲此用勸漢滿蒙回藏五大族各宜互通婚姻一以除異同之跡一以期情誼之孚其習俗確有窒礙如纏足等類均宜亟爲改更所望我五大族士紳耆老若日相勸勉力堅持作爲楷模用廣推暨庶我國民共除舊見敦睦新歡行聯合之實使我五大民族相親相愛於無極所有各地方民政各機關均卽出示勸諭俾衆週知益廣胞與之懷同登熙暉之治是則本大總統有厚望焉民政長趙維熙通令所屬一體遵照辦理

慕壽禮曰漢回通言之說不惟政府主持且肅士大夫爲聯絡漢回感情勸告父老亦已唇焦而舌敝矣卒之漢女嫁回者多矣回紳子女與漢族結秦晉盟者未之有也至纏足之風漢回皆然論者每以此爲中國恥也知婦女裝飾輒隨男子所好爲轉移非洲男子尙鬚首女子則壓首以逢其惡歐美男子尙細腰女子則束腰以買其歡日本男子尙窄胸女子則裹胸以稱其心吾國男子尙纖趾女子則纏足以如其願習便相沿各國皆然其禁止也當以其漸彼諫切從事者其亦知所返矣

升允赴西甯

西甯地居偏鄙素號邊疆西鄰青海南達三藏環以諸番且西北逕通準噶爾固華戎雜處之區也升允將有所圖欲聯絡蒙藏蘭州耳目衆多恐有妨礙遂挈眷往甯

慕壽禮曰

事業之成而賴文人之思想爲社會之先導清初東南各省起兵革命功雖不成而呂晚村筆鼓吹排滿以文字獄而死然其一點革命思想蘊鬱澎湃至中山而大洩

近人謂文字收功日全球革命潮其今日之謂平升
允回西甯欲鼓動蒙番反對共和可謂不知機甚矣

五月省議會咨請都督實行議案

甘肅應辦一切事宜不暇計及至是始廢續開議所

有議決案有一政費官預定數目呈請中央政府補助也甘肅向恃協餉接濟當此軍事
南平兵隊五難盡撤各項新政又當重行舉辦出款之鉅較舊陡增若遽向民間加增負
擔尤恐釀成事變此時當要求政府轉商各省認解百萬或百五十萬作為臨時補助一
俟大局平定即將長年各項政費提出議案交議會議決確定數目再為要求長年補助
至整頓本省行政程序繁多非一二言所能罄亦非急切所能舉辦總之欲令小民所輸
涓滴歸公非官廳之程定後不能有望欲令經收員紳剔除中飽尤非行政長官掃除舊
日積習不能成功似現在丁紳稅捐暫宜仍由州縣局所經收惟調查報告之耳目則宜
寄之紳士耳一憲政與宜開會研究也君主立憲民主立憲道理雖為一貫甘肅全未講
求一旦領事共私官紳不知憲政為何物必致議論譁起辦事盲從亟宜於法政學堂設
一憲政研究會延請深通政法之員將各國憲政解說明白每日限以三四小時無論官
紳皆可入會聽講一月畢業給以證書如此短期人必樂於聽從數月之後共和憲政可
期普及人人人心已矣一各屬宜派員宣講政體也甘省僻處西北民俗昏蒙一旦宣布共
和民間不知為政體之變更反誤會為國家之喪失謠言散布土匪必生蠢動之心甚至
鄉黨自好之徒亦不免為所箝鼓故宜亟派多人於城鎮鄉村地方開會宣講說明世界
各國原有此種政體並此次民軍之起本為人民求幸福朝廷之許亦為人民保安全以
及皇室如何優待政體如何統一國民如何遵守實與古時亡國不同且不獨非亡國並

可以強國將種種情形耳提而面命之用白話簡明告示敷達此意久之窮鄉僻壤自備灌輸議論不致橫生人心自可安帖將來推行新政亦不致有扞格之虞一官吏自嚴加考核分別汰留也政治腐敗致釀革命其所以致腐敗者則由於其甘省仕途驛雜較他省尤甚吏新之始雖難盡行積弊亦當漸定資格考核一次分別汰留最能授職本地員紳之合於資格者尤宜廣為登用以啓發其政治思想宣布以後應即電詢各省官制大綱考核辦法定期舉行一中小學教育亟宜注重也政爭既起朝廷方引咎憲政之不良甘肅反守舊學堂之過多紳界愚蒙官界囁強遂令一紙空文風行各國弦誦之聲幾絕於甘境矣不知世雖紛亂詎可廢學開堂講學政豈云新往事之失不可究矣現當宣布伊始亟宜首事提倡行文各屬將舊有學堂一律照常開辦他省教員之旅甘者亦宜挽留毋任他適州縣課最此後當以學生之多寡為標準所有編制教科容俟中央法令到甘內為督率舉辦世界各國因國民教育普及而自具共和今吾國政體已改共和而教育方謀普及使與視為緩圖匪論文化無由增進將邊隅治理亦永無可幾矣一各州縣城防團練仍不宜廢弛也當政循行原可不設團練惟現在各屬巡警既未辦好已舉辦者亦因變亂停止基礎蕩然勢不能不仍舊團防為鎮壓地方之計宣布之始更宜行文令各州縣認真訓練防守無稍疏虞一大紳亟宜出洋遊歷也各屬政治之美風俗之醇人樂道然耳聞之懔恍不如目見之真切甘肅向未派遣出洋人員以至風氣至今閉塞然派遣學生遊學收效將俟數年當今之要在選漢紳及回紳之有重望者給資出洋考察歐洲勢難徧歷亦以一往美國日本為宜數月之後即可歸國辦事回紳出洋尤於地方大有裨益甘肅漢回雜處屢因猜嫌慘殺使彼知大同之化與近世趨重之人道主義斷不至此而從前漢官對付之法惟期以兵力壓制不肯令其開明以致十數年或數十

年而一暴動愚謂壓制之不如開通之伴多受普通教育庶知人羣一體永弭仇殺之禍矣一宜亟設報館以爲輿論機關也甘肅風氣不開由於民智狂塞而民智之狂塞在無報館以啓迪之且以全省之大無一輿論機關無論民智不開而民氣亦爲之抑鬱不暢又况報紙之善者可以爲政教之後援復可以爲官吏之監督故環球各國報紙愈多政治愈形活潑吏治愈見澄清良有益也今省城雖有官報其所采錄率皆數月以前之事並不論及地方利病情形閱之令人厭倦今宜亟將辦法改良刊行日報並宜徧購東南各省報紙擇其精神議論及事實之稿而有徵者刊而副之全省人民受茲鼓吹庶幾眼光心理日趨注於政治之範圍矣一巡警之亟宜整頓也巡警爲內政精神之所寄亦人民生命財產之所關故警察整理之圖不惟免社會之危險且足以促文化之進行否則行之不善或善矣而不能推及於市鎮鄉村終不覺其有利於國而適見其有病於民均非立法者之咎也甘肅巡警經費由地方負擔概有難色學堂雖開舉業有限財力人力兩無所資坐是省城內外雖能略具規模而各屬終無成效可觀兼之改革事起基礎又復蕩然無存今欲推廣及於各屬所資經費議以何法抽收所需人才議以何時造就或充提無用之公資或創設附徵之租稅總期上有裨於警政下無累於編氓望速通籌精資匡益以上各案均

議決咨請都督實行

陝甘經略使胡瑛改任爲新疆青海屯墾使

此五月初十日命令

六月朔秦州獨立取消黃鉞赴日本遊歷

黃鉞起義之初不過一旅一城是時故集衆官布即有蘭州如實行共和渠即取消

獨立名號之說不圖省兵圍秦開民口多又加逆匪之名遂乃盡力招募致費日增地方負擔愈重益以吳炳鑫兵至伏羌附黃者遂從而慫恿之謂蘭州省府不遵大總統和平解決之電取消恐非易事旋經省議會制止吳軍秦州正紳張世英丙四調停五月初黃允出洋遊歷秦州軍政府從權實行解決逕電中央初十日都督至省議會議准取消條件非委馬福祥馳赴秦州送黃首途十二日世英以秦州臨時軍府業經解決所定條件尙易非從函請將前次致京各電及行各屬文告不免有傳聞失實之處除由蘭州政府省議會分別更正外務請直電該前軍府溫慰勸勉等情電達大總統參議院是月初一日即撤秦州軍府所有辦事人員均於是日辭職候蘭州政府錄用

慕壽祺曰自古天下大亂藩鎮手握強兵順逆成敗必資謀畫於幕賓昔班

彪依鬻融而有河西之功方望勸院嵩歸光武馮魴勸張軌翼戴晉室高詡

勸慕容廆遣使江東皆有遠識黃鉞取消獨立張世英

字育生 一人主持省秦州人

議會李鏡清

本年六月被刺

促而成之皆以片言轉危爲安如此維持桑梓時有青

蠅顛倒是非公道果安在哉

秋七月盜殺甘肅臨時省議會議長李鏡清

鏡清自就職後首請宣布共和期安人心並議免各行供應以經理財政輕弊

恤民爲急務官恐其不利已也多方煽惑忌者利之中協丁士偉欲以兵力解散議會或勸鏡清避禍力拒不可生平任事勇敢言無不盡時議安置援陝軍回軍或有猜疑者鏡清謂回族近多達人共和成立決無他虞若首發難是公敵也誰冒不諱取滅種禍不意忌者竟借此離間謂欲滅回種也因之釀成慘禍冤哉在議會建議如裁驛站築鐵路徵收煙稅規定公費皆筆筆大者黃鉞獨立秦州責趙都督維熙不認共和趙騰電中央以兵力從事鏡清力持不可趙不聽派建威軍往鏡清即與約暫駐軍鹽西函勸黃鉞取消獨立並與秦州紳士張世英磋商解散兵費卒日平解決事定秦州人士德之祀於山雲閣五月省城礮隊餉匱譁變棋星墩忠武軍亦洶洶欲動趙都督及營務處彭英甲怯懦無策鏡清請往諭彭遺兵保護止色曰烏用兵爲盡遣去遂單騎往曉以利害首捐二千金以爲倡議王振鵬襄勸之一時樂輸者至萬餘金核發欠餉礮隊就撫各軍帖然收忠武軍軍械納城庫時兵多餉絀入府息借民債無一應者鏡清勸紳商集九萬餘金奔走開導未嘗避嫌怨辭勞瘁也秦州事平從定行政公費益不利於官會趙督維熙以其私人賴恩培由皋蘭縣知事超遷巡警道議會劾其劣跡趙相護政界代表陳萬言公民大會周尙志等請求彈劾甫擬稿趙喉軍人開特別大會以圖抵制迫議長辭職時有勸鏡清移居者慨然曰吾將與議會同盡石等可自便耳或有勸曰殺身成仁誠壯士然如省垣人命財產何揭出城流血遂氣結不能語徐曰吾即去必托付得人方可時回軍統領催正午欲延爲參謀衆勸阻則曰吾志既不遂正願借此共處令知我聯絡漢回初縱有他變庸何傷嗣因他人沮撓事遂寢正午旋派兵護送回籍皋蘭劉爾圻遂任議職鏡清出省遠近紛傳被刺籍紳鄧隆慕詩祺請鄉人楊魚往視七月九日然甫午秋道北八里鋪即聞凶耗冤哉先是議員代表鄧宗魏承燁人京陳鏡清不安於位參謀次長

陳寬素知鏡清白其事於袁總統電調赴京電用稽滯被禍後始發故不及遇害之夕賊踰城入後宅二婢驚覺一中彈死一受重創脅不得聲入止院詭辭詢之鏡清猝應聲賊發槍中左腿撼門急鏡清力堵賊破窗入鏡清伏之抽賊刃刺其腹穿焉二賊繼入持刀砍之徒手抵禦傷肘臂凡十七刃血濺承塵殆遍猶格鬪復傷一賊手卒以衆寡不敵受四十傷賊以爲死將逃傷賊忽呼救二賊返入卽又加刃斷其喉時年四十一平明視城堞血痕未晞賊下麥畦中馬蹄如織防兵弱不敢追狄紳懼禍逃匿他去至今途成不白之冤悲夫被害後於是年秋七月吉日葬城北五里舖其母師氏聞變吞金以救免子二長麟育次麒育

八月省議會曾恢復

提督馬安良贊助以成之也安良寓省城南門外一日邀旅省各正紳談話謂共和國家立法行政司法三者缺一不可省議會立法機關也

今者兵爭已息民權漸伸各省省議會先後並立凡以爲民也甘肅民風樸陋士習迂拘大勢所趨亦不能不逐漸擴張以從大同之治雖人才長短各有所宜地方繁簡各有所合道里遠近各有所準常爲之舉胡爲數月以來不聞積極進行僉曰李鏡清被刺議員自行解散安良曰是由組織議會者或輕忽以從之或急遽以赴之未能得各界之同情卒之官與紳不和而意見歧漠與回不利而畛域分新與舊不利而彼此各行其是文與武不和而爭執時有所聞民命之謂何民利之謂何不求其本惟私是圖處共和之世實

未得其利之益非惟無共和之益且將藉共和而陰肆其毒蠶蚌相持漁人得利雖有議會實與無議會同吾欲召集在省各議員重行開幕商辦一切副議長慕壽祺仍舊正議長一席以舊諮議局議長張林焱充之於是議乃定

都督交議調和回族宗教漢回通婚案省議會贊成之

中國人種既多從前官制不同法律不同宗教風俗

不同故日言融化終無融化之一日今既合五大民族為一家官制法律必無崎嶇重之嫌所不同者宗教風俗耳然宗教聽其自由風俗各因鄉土如果齊以法律維以道德原不障碍人羣文化之進行甘肅漢回雜處歷因兵事積有猜嫌當此宇宙重新自各蠲除夙怨然上等入明於禮義彼此必能聯以感情即稍有意見之參差亦可處以文明之談判惟下等社會人類既居多數教育概未普及夙懷畛域之心每為訛謠所惑偶一不慎輒以一髮牽動干鈞貴會漢紳回紳同求治理此中情節諒所深知當必有預為防範漸為消融從根本上解決之妙策竊願勉而行之本都督閱見所及亦有開誠公布一法彼此互選有聲望學問者遠或歐美近或南北從事遊歷研究歸而教化其民俾明於世界大勢尊重人道主義務去絕其猜忌之心自不至再有暴動之慮至調和宗教互通婚姻陶勸肅己倡言於前此時能否實行抑或別有善法希即議決俾見施行與省議會維持回教宗教不謀而合當由省議會開議

慕壽祺曰光緒二十二年前陝甘總督陶模由新疆過甘州時張掖縣教官巨國桂上書略謂河湟亂起為憤激之談者欲令回衆改教而後已豈知回衆身首可捐而其教必不

可破是殆天地自然之氣如必為豫防後患起見近人陸朗夫之說漢回互通嫁娶使融
化無形無一事之隔膜倘再漬之以聖人禮教以固結其必不可解之心即以甘肅一隅
作全圖模範可也陶至金城即出示飭漢回通婚殆采國桂書中語也無如人心不齊非
惟不遵其示且於通婚一條橫加訾議世變代更從古無破壞不收拾之局今之五族合
為一家趙維熙復採用勤
肅遺規其亦有心人哉

省議會提議改土歸流案

甘肅西北等路番戎雜居種落不相統一元末紛亂尤甚明
洪武初年河州洮州狄道西甯碾伯平番等縣凡元朝領兵

大員甘紳帶剛平亂有功地方請求內附者則命之戎秩賜以官俸稅租徭役悉為蠲復
擇其才力功績聽其世相承襲凡大首領得為都軍主百帳以下得為軍主又其次者分
別等級補指揮使以下秩名蓋所以減贖邊之用得習俗之便而張番翼之衛也由漢迄
明相沿未改國初因之收效尤著至今甘肅沿邊一帶均有土司各官其官名曰指揮同
知曰指揮僉事甘涼道屬則又有正千戶副千戶正百戶等名目此皆封建時代之
制度也省議會以封建制度非民國所宜擬請仿照雲南四川成案一律改土歸流
案西甯土司計十六家皆自前明洪武時授以世職安置於西碾二屬是時地廣人稀城
池左近水地給民樹藝邊遠旱地賜各土司各領所部耕牧內惟土司陳子明係南人元
淮南右丞歸附餘俱係蒙古及西域纏頭或以元時舊職投誠或率領所部歸命嗣後李
氏祁氏冶氏皆膺顯爵而建忠勳矣迨至清朝俱就招撫孟總督喬芳奏請仍賜以原職
世襲今已二百六十餘年輪糧供役與民無異俊秀讀書亦應文武試如祁伯多兄弟已
登科目立功名為國家大臣惟是生息蕃庶所分田土多鬻民間與民厝雜而居聯姻結

社並有不習土語者故土官易制絕不類蜀黔諸土司桀驁難馴也第彼官民多空乏惟事耕耨雖有額設軍馬有名無實調遣無濟不逮甯兵遠矣此西甯土司之大概情形也

河州土司共三十餘家皆明洪武初年鄧愈平河州時隨意委任南京並無底案清初河州知州王金臣以土司把持太甚僅留二家其餘一概取消至洮州之楊土司平番連城之魯土司狄道之趙土司與循化之韓土司何土司王土司均有特殊情形取消恐不易也

署布政使司何奏箴通令甘肅各州縣錢糧報銷册摺不許再用一二三三等字

壹貳叁肆伍陸柒捌玖拾等字相傳始於明初刑部尙書開濟然宋邊實崐山志已有之蓋錢穀之數用本字防人盜改故也後見古銅器七字作黍又非始於宋矣

勸業道保存舊街銅廠機器

平番縣屬西南百餘里一市鎮名舊街因其地出黑磁器得名附近銅礦甚多柴炭亦便因擇定該處開辦銅廠自

宣統元年銅廠機器陸續運廠建屋安鑪至宣統二年冬漸次就緒將各處採得礦苗勻配試練銅質甚佳惟需銅本太鉅未能數手試辦洋教習三名月共支修金七百餘兩洋匠三名月共支工食銀六百兩零均支庫平坐辦收支文案各委員薪水銀一百九十餘兩礦務學生十二名津貼銀二百兩華匠各工三十一名薪工銀二百五十兩零書記司事共七名薪工銀六十一兩護兵廠丁伙夫馬夫共五十三名工食銀二百一十二兩零馬匹喂養銀三十兩統共月支修薪工食等項銀二千一百七十六兩零其採挖礦石腳價及應需柴炭等項均無定額辛亥之變該廠停辦勸業道張煥華以舊街銅廠購置機器建修房舍及延聘比國化驗師賀爾慈共用銀四十二萬兩棄之可惜派員保存之並

呈省議
會存案

都督趙維熙商假比債省議會否認

省議會咨復其文曰本年八月十三日案准來咨內開據比國礦物化師買爾慈函開以甘肅

財政困乏實集停辦該化師情願擔任代借比款自一十萬至數百萬非承包修鐵路夥辦淘金煉銅各廠等情前來查甘肅在前清時代本為受協省分歲入協款百餘萬然自舉辦新政以來已屬竭蹶不堪顧此失彼去秋軍興稅收頓減協餉全停加以兵隊增多需餉倍蓰庫儲如洗挹注無從近中央雖允撥匯五十萬兩但以之解救目前猶虞不濟况尚須歸還去歲承借之巨款耶倘不另籌他法不惟機關停滯白務嗚嗚日飢軍環伺譁潰堪虞其為害誠有不堪設想者為今之計非借款無以救燃眉非振興實業無以圖善後惟欲振興實業又非先謀交通便利不足以策進行然則舍借助他山末由措手矣查借款修路集資開礦均為萬國通行之公例似不必因噎廢食懲饒吹齋善貨也棄地不必藏己古聖人大同之訓實為共和國早示以權輿方今世界開通正毋庸作閉關之計畫也本署都督為統籌甘肅全局起見因時制宜自當通融辦理刻下鐵路礦務尙可稍作緩圖惟舉債一端則有萬不能不先行提議者今特將該化師原函咨咨貴議會查閱希即提出議案公同核酌以維現狀而濟時艱並咨咨漢原函一件可否表決之處均請迅速見復施行等因當即列入議事日表初議畢即付財政股員會審查該股員會以此案事關重要即行提前集議於再讀之時將原案與該化師原函刷印分給由到會議員悉行研究旋據各議員所稱意見均以貪用外債放棄主權揆之事理萬難允許復於三讀時以再讀之議決案作為議案全體議員意見相同當場表決查前清時代舉辦要政

償還賠款往往借用外債以為一時權宜計約草所頒殆已數見不鮮茲准來文所稱甘肅自去秋軍興稅收頓減協餉全停加以兵隊增多庫儲如洗補助之款未至譁潰之患堪虞自係實在情形若不另籌善法其何以維全局而濟時艱今承該化帥盱衡時局顧念邦交願擔任代借比款雖數百萬亦能設法倘於甘肅主權無所侵損自應通融辦理以救燃眉惟中國歷來押借外債往往失敗前籌不濟何忍蹈茲覆轍經衆議員公同討論堅不承認惟有電催中央請將認撥五十萬從速匯解並一面設法就地籌畫俾資挹注庶主權不至喪失而現狀亦得以維持至該化帥原函所呈開礦修路各條本與借款之事毫不牽涉窺其用意擬請華洋合辦倘自今以往甘肅實業振興交通便利未始非當務之急惟查閱工部礦章第九條一切礦政通歸國有以後開礦須由各省行政長官繪圖貼說咨明工商部經部批准發給憑單始能開採萬一資本不足借助他山亦止許華洋合辦斷無一切礦產包與外人承辦之例以致茫無限制惟所欲為其鐵路一條本會開幕之初曾經督交議在案嗣因秦州獨立尚未取消險象環生未暇計及茲雖併案提議仍難舉辦蓋由風雲定後元氣損傷環顧神州同此困苦東南路政亦多停滯貧乏甘肅其何以支紳商協修俟諸他日誠如來文所云刻下鐵路礦務尙可稍作緩圖也

所有議復各條件業經本會公決
相應咨請貴督查照施行此咨

附比國礦務化師賀爾慈原函一甘肅公家借比款以二十萬起至數百萬止以甘肅公家全省釐金作押所有利息或借款銀行規程俟甘肅公家立借定後打電定局一甘肅金銅廠許可華洋聯辦如公家許可再行定局一包辦甘肅鐵路或西安起或歸化城起均以六年工竣或甘肅省城止或新疆省城止二處均可請議妥後給以准約賀某承辦

再鐵路成玉門煤油亦可包辦一甘肅沙金礦或包辦或甘肅公家夥辦請議妥以上四條請迅速議妥急行照辦

慕壽祺曰泰西諸國亦各有國債皆為正當用途埃及之負債也以興工築通運河是商人之借本營業猶有獲利之望近以英國之富納借債於美利堅其地更可知矣甘肅借債始於左宗棠蓋光緒初辦新軍務息借俄款由康號轉借借亦即還於上權無損也現在甘肅無事自有小桃源之稱趙維熙官聲尚好亦知借債之有害於甘肅而官吏之射利就撫者頑頓無恥真話無節喉印銀則希求分肥為區區回扣舉全省釐金作押或包辦甘肅鐵路及玉門煤油沿河沙金中國之欲無窮是貨之也焉有君子而可以貨取乎况借債又無正當用途省議會起而反對者宜哉

任命廉興為青海辦事長官

先是五月二十二日臨時大總統令任命馬福祥為西甯鎮總兵七月十四日令西甯辦事大臣慶恕前次電呈年

高病篤懇請開缺回旗等語慶恕准免本官任命西甯鎮馬福祥兼署改稱青海辦事長官以馬福祥尚未蒞任是月三十一日收西甯府知府廉興為青海辦事長官

案清雍正初平定青海設總理青海番子事務大臣一員俗稱欽差番子則稱為諸版譯言中國之大官也又作按班金史太祖以都勃極烈嗣位太宗以諸版勃極烈居守諸版

尊大之稱也清代官制以按班為大臣如尙書滿語稱阿里哈按班侍郎滿語稱阿思哈尼按班

九月以馬麒為西甯鎮總兵

西甯素號巖疆西鄰青海南達三藏環以諸番且西北逕通準噶爾自古用武之地都督留意邊防以馬麒生長西

承認共和邊境甯遠時代 民國

蘭州修華印書館出版

陸豐威素著以之鎮守
青海實屬人地相宜

冬十月以張世英清理財政

先是宣統元年清廷派大員來日清理財政竭數年之力
纔晰條分說明書已排印適國體變更餉源斷絕財政紊

亂更甚於前僉以世英起自州縣才長心細以之清理
亂絲必能勝任愉快世英由秦州進省已着手進行矣

幕詩祺曰民國元年冬庫倫官告獨立政府令甘肅選將練兵
候調遣當是時舍籌兵
籌餉無辦法舍治兵治餉無人才而甘肅庫空如洗一日用兵所最虞者無餉可籌搜括

既不可行勸輸亦難為繼籌財而清理之以期收支適合並請將
裁之局所不急
之工程無謂之應酬開會之禮節概存節省省一文錢即籌一分餉此亦治標之一法雖

非良謀也
殊膠柱也

設西蘭鐵路籌備處

都督趙維熙交省議會關於交通議案一則其文曰人有恆言世界
文明當以鐵路為比例差近世環球大道雖海線最短之國沙漠懸

絕之邦決不因地理之影響而異其程度者無他皆鐵軌發達之所致也甘肅僻在西陲
地勢險峻雖有黃河洮湟諸水其不利於交通盡人皆知為今之計自非設設鐵道無由

輸入文明而擴充經濟斷斷然矣曩歲本都督曾有西北鐵路條議達之樞府徒因集款
不易迄未實行今者政體更新鐵道問題尤關重要就邊防言伊新有警內絕聲援徵調

運輸諸少困難所有軍事計畫勢必因道路梗塞受制強鄰就政治言西北與東南懸隔
智能物質交換無從全國治化終無進於大同之望是甘肅之應建築鐵道詢之國人當

無異詞惟考各國鐵道制度有放任於私人之敷設經營者有國家自敷設而自經營之者有半屬國有半屬私設者有爲國有而委諸私人經營者又有爲私人所有而由國家經營之者其中各有利弊甘肅究宜何所適從乎且甘肅路線自先接西潼以達蘭州乎抑將先接張綏而達甯夏乎此非賴實識者悉心討論無以徵一是而策成功本都督按國有主義必募外債既懼危險勢自難行大以甘肅鐵路言之似應由甘紳籌畫款由甘集商政府任督率經營之勢最善也茲事體大路之成否即以款之能集與否爲歸集款之法宜專用勸募或兼用派捐何術可廣招徠何法可助穩固經營始首宜舉定正紳規畫進行尤當預定期限勸募股定以何時始事培植購料期以某年成功凡茲造端均賴審擇倘民力不足則舉債修路亦爲各國通行辦法不過我國從前締造不善致失利權並及國權遂使懲懲吹竇各流聞輸入外款則相視變色其實他國視若故常不以爲異即如俄之西伯利亞鐵路全屬法人資本未見有何妨礙蓋舉債以謀興業固計學家所許可者也至路線由蘭至西計長一千五百餘里現在西潼既未告成無從購運鐵軌機件勢必久稽時日且六盤橫絕工亦較艱甯綏一線長短相若雖經過無甚繁區養路之費少遜然旱地平衍安軌較易且與中央交通甚捷似以先修此爲官利害得失非希熟思審慮決定所從本都督不阻常勉任督率執行之義務事觀厥成焉旋由省議會開會討論議決由省議會附設西蘭鐵路籌備處進行一切事宜並派員赴秦州查勘路線

案蒙古攷有飛車其制不傳火輪車本唐一行水波銅輪自轉之法現今世

界各國鐵軌流通密於蛛網絕迹飛行自是通商利器昔法人盛時嘗為輪路以逼普及其衰也普人即由輪路伐之適自斂而已且鐵路平蕩稍偏頗立敗投卷石覆簣土即不良於行數年為之而不足一夫毀之而有餘有識者不無杞憂焉然在今日之甘肅其建築不可須臾緩矣

此字實片寸
 文不之欲吾於
 亦工時文也吾於
 云也文也欲無於
 云也文也欲無於
 云也文也欲無於

案火車之行每一刻可二十餘里盡其火力則又倍之通國家之有無濟生人之日用有過於輪艘者若夫塞兵境上遇敵淹中衆寡相懸氣奪於未戰殺傷過當目斷夫來援得此則全國卒伍數日可集有恃何恐膽力自增其利一轉輾紆滯動誤事機煮弩耿恭幸資神箭量沙道濟幾壞長城得此則礮械餼糧朝發一令夕充於壘張拳負腹可無慮焉其利二朱旂紺纒勞百邑之供張鍊騎銀刀苦數道之驅繹得此則城堡督過程限難渝既省官錢

更蠲私累其利三公候貴胃恆憚於庶襁開敏儒生輒揭於甕牖耳目狹隘
識論多迂得此則一肩遠適兩戒窮探况瘁肯忘山川能說其利四滂旱偏
災飢寒需拯河東移粟美曰盡心雍西汎舟視爲鉅役得此則稱貸千里可
期以崇朝指儲萬困不煩夫薄笨其利五過黠屯膏市估專利載芻挽粟漕
運稽時得此則流通罔滯節縮良多創始自官獲利愈厚其利六或謂軸轆
紛驅僕馬坐斂輕軒超越驛落荒涼游民失業實爲亂階不知道路平治工
役期賴行李便捷荆棘鋤耨益承仰衣食者奚窮需手足者甚衆豈有防民
之事耶

各省協甘新餉銀停止

先是光緒初年左宗棠用兵西征凡各省關解到協餉由甘省
統收分撥新疆伊犁塔城等處其時軍事方殷收撥協餉之處
在藩署東偏院號爲總糧臺肅清後飭歸藩司總理名爲新餉所刪除常餉專餉等名目
以別於司庫舊餉故名曰新餉光緒二十一年撤匪叛亂軍事喫緊總督楊仍復糧臺舊

名凡防勦軍餉統歸經理軍務平定又奏改爲新餉所各省關協款原額爲四百八十萬兩庚子後餉源支絀各省關解不足額遵奉部議自光緒二十年起減估前餉爲四百四十萬兩除分撥新疆伊犁塔城二百九十八萬兩及轉運脚價四萬兩外其餘一百三十六萬兩劃歸甘省爲本省軍餉的源亦西北邊防命派其劃分章程係以庫平收入湘平劃分所餘四分平奏准全撥伊犁國體改革後皆停止

案甘新原定協餉數目江蘇省應解一十三萬安徽省應解一十九萬江西省應解二十三萬兩淮鹽運司應解一十九萬閩海關應解一十九萬湖北省應解三十萬湖南省應解一十五萬四川省應解九十一萬河南省應解五十六萬山西省應解七十八萬山西河東道應解四十八萬共總解到四百四十萬兩宣統二年解到之數江蘇省一十三萬安徽省一十九萬江西省一十三萬五千五百二十四兩兩淮鹽運司一十九萬閩海關一十一萬湖北省一十一萬湖南省四萬五千四四川省七十二萬八千河南省三十六

明解前奏疏云
惟埋閣悍之
因茸下愚之
朝捐刀鏢專
冠家左乘儀
右符籌組別
之職衰綉
負販之債
之亦實者
之等列庸人
官其人風流
官則洪武初
也何奏茂借
納實官並不
都督商最無
與明初無異

萬山西省八萬山西河東道三十六萬共總解到二百六十二萬八千五百

二十四兩均交甘肅新餉所收存是年由甘肅派員解送新疆餉銀二百二

十萬兩下存四十二萬八千五百二十四兩留作甘肅軍政及辦新政各費

布政使何奏覈實官需缺省議會効之無效

先是官統二年奏箴任甘肅高等廳廳長民國成立任爲提法司因經費困難

高等與地方審檢兩廳皆停辦七月間都督趙維熙以鄉誼關係委奏箴代理布政使布政使爲甘肅最高民政長官各府廳州縣應升應降或委或撤布政使操其權惟當新舊過渡之時又無甘新協餉之助奏箴建言於都督曰甘肅自去年九月以至於今日軍用浩繁財力竭絀借外款則要求難遂募公款則觀望不前催餉則隔絕不通提盈餘則取得無幾盼中央之接濟恐同畫餅以充飢望實業之振興猶是甚渴而掘井大局初定險象環生財政困難已達極點若不提前籌畫設法補救其何以維持現狀保衛治安然甘肅地曠人稀家貧土瘠積習重而難返風氣閉而不通將推諸國民而百姓困苦難堪幾有一錢不名之勢將籌諸商賈而各處釐稅已認焉有千金救急之力將以籌款任之文官而文牘所呈者不過裁書差數名而已將以節流責之武職而營汎所報者不過減額兵一成而已舉國驚惶空言搪塞江波輟餉後患堪虞杯水車薪於事無濟飢兵環伺欠餉愈增夫欠餉日積而日多則地方日進而日危甘肅情形殆岌岌爰於萬不得已之中籌一變通辦理之法凡官吏之到任與署缺酌令報効銀兩以助軍餉用之於官用

之於公一舉而數善備矣都督許之省議會具正式公文力爭之略謂自捐納之途開一時彈冠出里者非盡長袖善舞也或集衆人之資以圖三倍之利馴致流品混雜涇渭不分勢豪策名仕版藉爲護符卑員巧獵升階專爲牟利一旦彙緣得缺竟敢靡惡不爲縱百虎狼於山林而禁其不噬人天下有是理乎西人來華者觀於吏治之壞民生之盡即無國民革命而清室已動搖矣以此遂爲秦東西所皆議豈知庫幣空虛何國蔑有錢穀得官中外所同西歷五百六十五年東羅馬已有納資拜官之例今則中外舉無此例何奏篋圖飽私囊而令官吏報効銀兩是以甘肅政府爲錢虜交易之地雖月終有詳細報告榜示照牆暮夜黃金誰知確數傳之鄰省恐爲笑談請收回成命以重名器都督不聽幕壽祺曰何奏篋爲應付軍餉令甘肅候補人員先報効而後挂牌是貨之也縱百萬虎狼於城市之中而禁其不噬人天下有是理乎省議會咨請取消暮夜黃金不難拒絕矣而報効者猶如故也時世之所謂賢者非皆絕人命者哉

教育司司長馬鄰翼推廣甘肅學校

甘肅省城內外學校少而私塾多師範缺而經費絀進行障礙率坐此病非盡由地方風氣之

細蔽不通也鄰翼在署內開辦教員傳習所俾塾師稍知教授新法管理規則一面繕辦師範養成所模範小學校並飭各屬辦完全初等高等各小學尤注重回族教育國民義

務教育社會教育須先從通俗報宣講社入手以期啓發普通知識其不敷經費呈請省政府在各地方經徵項下酌量補助

提督馬安良請收皮毛產場稅省議會咨都督行之

安良爲開財源塞漏卮起見上請願書於省議會略謂甘

肅所屬所產羊毛皮貨以及硬皮若甘涼河湟洮岷肅州甯夏以及平慶涇回等處每年出境之貨指不勝屈誠隴右出產之一大宗亦五大洲所需之特別貨也徒以洋行壟斷是登借外人之名乘中國之弱所收羊毛約有一千數百萬觔羔羊皮數十萬張野牲皮數萬張自買自運往天津均未完納地稅漏卮之鉅莫甚於此言念前事誠爲缺點現今民國肇造需款孔亟擬由省城設立皮毛總公司每岸口設立分公司皮毛價值由公道隨時酌定毛秤由公司監造收發俾免畸重畸輕至羊毛每百觔由公司抽收司用銀一兩羊皮每張抽收司用銀二兩左右野牲皮加倍此係專指司用而言若子口藥統捐稅概不在內以上反毛兩項約計司用每年可得銀一十萬上下似此辦法我收我用杜絕漏卮該洋行倘仍堅執前議故爲抗違請政府與海關稅務司交涉總期甘肅主權不至喪失產物稅務日漸充盈等語省議會一致贊成咨請都督實行並咨財政部立案從此每年增加皮毛稅一百萬元有零

慕壽祺曰甘肅惟隴東甯縣之人慣於經商此外則皆以農爲本以致通省商業秦晉人居卜之八焉而晉人尤以勤儉著于弟十餘歲即從人來甘學貿易俟蓄積有資始歸納婦納婦後仍賦西征率三年一歸省其常例也甘人出遊數月望故鄉而涕泗縱橫異乎西州大賈矣自皮毛加稅甯夏西甯秦安清水等處青年子弟或製造皮貨或販運皮毛

或收買野牲皮津滬一帶始有甘人蹤跡商業發達此其先聲乎

國稅廳籌備處處長張世英提倡崇儉

世英於八月由秦州晉省清理財政出入的數及劃分國家地方之稅常言現處改革時

代必使一利無不興一害無不革一草一木無不具法治之精神一身一家無不受法律之深訓非財政充裕不可現在地方愈困窮風氣愈奢侈既無力以開財源即應設法以節財流梁買琛之言曰今守宰所以貪殘良山風俗侈靡使之然也今之燕喜相競誇家積果成丘列有如綺而賓主之間裁取滿腹又奢妓之夫無有等秩淫侈成俗日見滋甚欲使人守廉白安可得耶誠宜嚴為禁制道以節儉糾奏浮華變其耳目謹遵大總統崇儉電令在蘭州開一總會妥定規章力求節儉推而行之外道以及各府廳州縣果能實

力奉行是亦挽回人心之一法也提督馬安良部督趙維熙亟贊成之

附錄袁大總統令其文曰民國成立以來國家財力困竭即社會生計何嘗不備極艱難本大總統徵諸已往歷史大都開國多儉亡國多奢前清之季財源涸竭怨讟繁興而京外官僚以及富商巨族奢侈之風為數十年前所未有小民困苦殆不樂生而上下酣嬉不知悛戒豪家一夕之餐足耗中人家之產深識之士早知敗亡之將及矣民國新創正宜引為殷鑒痛加革除尤而效之甯非大謬本大總統就任之始即以屏奢華節勤儉勗我國民乃歷時逾久而教化未行竊甚愧之自茲以往凡我國民須知物力艱難至今已極在官吏為國家服務事蓋之資莫非民力所出稍涉浮糜即為罪戾即商民之家自婚喪交際以至日用飲食亦宜以撙節為衡大凡人民習慣由儉入奢易由奢入儉難然

嗜欲無窮物力有限一切資本投諸消耗之地者錙銖無復返之時投諸生產之途者則開源之功尤勝於節流十倍所望變時賢哲以身爲倡庶幾風會轉移養成尙儉之習使國民皆有艱難締造之苦心實業自日起於發達而生計自日起於優裕則在野無曠土國無遊民無負本大總統頻頻詰誡之意

民國元年張世英進省後所擬鄉職綱要及撥節理財辦法多暗師先王之意在不通古今之變者或以爲迂闊不可行豈知內治不以鄉職爲本則凡調查戶口清鄉辦團清理錢糧丈量地畝以及選舉議員強迫教育實行徵兵皆無從着手理財不從撥節入手則凡酌裁軍隊津貼學生培植森林擴充實業以及籌修鐵路鼓鑄銀圓開辦金礦皆無所憑藉甘肅永無充裕之一日此其所以提倡崇儉也能儉而後能節各檢所部有宜除除之有宜減減之興造有非急者徵求有可緩者皆宜停省以息費休民若言小事不足害財則終年不息矣以小役不足防民則終年不止矣如此則甘肅財政行將破產欲維持現狀難矣哉

慕壽祺曰昔公劉教稼涇慶之間以耕織爲業今讀豳風一什而知其風俗之勤儉也禮義之所以起孝弟之所以生教化之所以成人情之所以固皆在於是矣其後轉相倣效遂徧全甘張育生先生恐固有之良好風俗而爲潮流所轉移也發起勤儉會其意深矣

甘肅稽勳調查分會成立

元年春三月北京國務院通電各省設立稽勳調查會調查

國務院以便分別褒獎甘肅稽勳分會於本年九月間都督府又奉國務院電催令從速

組織至是月二十六日始由省議會通過都督送交關防文卷即於是日正式成立我中

國人民經過光緒庚子之亂受八國聯軍種種污辱之奇恥全國人士始大覺悟奮其革

命我甘受報紙及新學文字之灌輸激刺而愛國志士優秀青年談革命者日以增多無

如升允長庚前後相繼督甘二人皆視革命份子疾若寇讎所以秉性激烈傾向革命之

青年志士多留學外省以避禍泊乎武昌起義各省響應吾甘青年即所在地多加入革

命連籌帷幄者有之奔走盡瘁者有之負戈前驅效命疆場者更有之所以稽勳會成立

即通電各省會請各都督調查該各省之有革命成績之甘肅人詳查咨覆嗣因時促進道

遠各省咨覆者甚屬寥寥而中央稽勳局來電促令截止遂於明年三月底倉卒結束惟

就本會採訪所得者八十四人詳加彙編列表呈報其中武昌長安立功者居其多數蓋

以甘肅青年留學者惟陝西武備學堂及武昌陸軍學堂之學生一律加入革命故耳此

外新疆學堂之甘肅學生亦居多數而伊犁革命甘肅人加入者為尤眾此次僅採得一

人遺珠之憾在所不免吾甘鐵血男子愛國志士其盡國瘁事捐軀革命而事蹟湮

沒不傳者亦不惟伊犁為然即昭昭在人耳目之武昌革命史幾見甘人之姓名

幕壽祺曰嗟夫奇傑之士思乘時建樹一也武昌起義各省響應甘肅獨寂

寂無聞豈真無人也哉及稽勳分會成立調查數月之久共得八十餘人若

民國元年作者
開辦國民黨
費無所出至
衣賣書以給
其結果國民
黨員待省議
四十六人共
黨得八人選
官場之忌二
冬袁項城以
者為甘也老

再歷數十年讀中國革命史者不得謂為隨無人此八十餘人者或隕身行

陣或奔走運動其事績多在湖北陝西兩省惜皆寄人籬下死是軍人死功

是他人功何所遭之不幸也而姓名又散落人間瀟氣常留其得於天地者

厚矣其他調查所不及雖欲考其姓名末由也遭逢既已懸絕傳不傳尙未

敢必名之顯晦獨非命耶

十一月廿日國民黨總部成立
先是五月間中央國民黨本部派周之翰來甘會同老
同盟會會員慕壽祺籌辦黨務時王之佐王國柱王輔

政諸人內無本黨同志分途進行七派人赴平涼甯夏秦州鞏昌四甯涼州甘肅州等
處宣傳國民黨宗旨聞者多樂從之即組織各支部辦事處籌備選舉事宜並由各分部

選派代表於十月間一律至省主是手續完竣始開成立大會假左公祠行開幕禮屆時
各界來賓及總部黨員約千餘人舉慕壽祺為臨時主席報告開會理由並論政黨全投

票結果舉馬安良為
正部長周之翰副之

聘前陝甘總督升允籌辦三滿營生計
甘肅駐防旗兵合甯夏莊浪涼州三處不下六
七千人共和宣布後有議裁之計畫刻在甘肅

國會令高等檢
察廳解京交軍
警執法處有人
營救四年夏六
月始依新刑律
第十條宣告無
罪

種族紛歧民智錮塞竟有尾大不掉之軍庫無三月可支之款使布置稍有未合計畫稍
有未慮竊恐各省以宣布共和緝其亂者甘肅或將以宣布共和擊其禍也一自中央政
府成立關於全國統一之計畫此間多有未聞以大勢而論一切法令當不官彼此歧異
然在甘肅現既無一定法令之可遵又兼有各種困難之可慮其所以顧目前而維長久
者似尤非先事而圖維之不可宣布之始有為甘省所宜亟行者即應毀然行之無稍顧
忌三滿營旗兵應需餉項自不能照常供給緣此等人坐食已久遊閒無業遽勸其乳流
失堪悲此次北京議約必有安插之方然現在既未揭曉不能不豫為籌計似宜仿四川
辦法本年餉項照常發給以後每年酌減二成期以五年減盡此五年中將各滿營馬廠
公地劃令分種並創辦各項工廠挑選子弟令其學習其最聰穎而中學確有根底者亦
宜挑選一二派令出洋遊歷以廣見聞自然各安本分總之現在辦法宜深天下為公之
道無分種派同治一鑪界限漸除少數人為多數人所吸收久之自爾同化矣此省議會
議案之大略情形也都督趙維熙意見相合惟以茲事體大非聲望素孚與旗民有關係
者不足以勝任而愉快聞升允在甯甯以之籌辦三滿營生計實屬人地相宜省議會派
科員楊沛霖督署派知縣沈珍同往甯甯勸駕升允聞省委員將到晤章嘉佛請卜之章
嘉佛曰去去盡升允僑寓滬中豈真肥道山林絕口不談國事哉昔吳伐於郢城已陷矣
而中包胥乞師於秦庭明滅元燕京已下矣而王保保起兵於甘肅成敗利鈍雖有不同
其不忘故國一也升允自陝回甘時時有麥秀黍離之感所謂久駐西甯者將借兵蒙番
以復清室事成則為中包胥不成則為王保保甘肅之破壞與否固不暇計及省議會
為民國計為梓桑計固同本省長官借籌備三滿營生
計案邀之使來升允見機而作已由青海赴庫倫矣

案軍事處檔案甘肅旗營共三處一甯夏駐防一涼州駐防一莊浪駐防甯夏駐防清雍正三年安設涼州駐防係乾隆二年由京移置莊浪駐防亦乾隆二年安設甯夏原設將軍一員左右翼副都統各一員乾隆三十四年裁去右翼副都統員缺涼州原設將軍一員副都統一員乾隆三十八年裁去將軍員缺又以涼莊滿兵移駐伊犁撥陝西滿兵二千名及陝西副都統一員移駐涼莊卽作爲涼州副都統原設涼州副都統一併裁撤莊浪原設副都統一員乾隆三十八年裁去副都統員缺改設城守尉官兵時有增減應支餉項亦多寡不等現據宣統三年各營豫算冊報除閏計算甯夏一營歲需廉俸庫平銀九千七百二十五兩九錢米折三萬八千三百三十兩零三錢二分四釐兵餉四萬五千四百兩零二錢馬乾九千八百三十一兩五錢

五分二釐紙紅工食七百五十八兩九錢九分各項雜支二千五百一十三兩五錢四分二釐倉斗口糧二萬二千五百六十四石五升五合馬料九千二百四十石二斗三升八合馬草十萬八千束涼州一營歲需廉俸庫平銀二千八百五十二兩七錢五分米折一萬六千六十三兩七錢七分五釐兵餉一萬七千二百八十兩馬乾二萬七千九百七十兩四錢八分九釐紙紅工食二百六十兩三錢六分五釐各項雜支一萬一千一百八兩三錢六分五釐倉斗口糧一萬五千七百八十石三斗七升四合四勺馬料一萬五百八十八石八斗三升六合馬草四十一萬九千四百六束一分莊浪一營歲需廉俸庫平銀一千一百一十兩三錢七釐米折三千五百九兩四分一釐兵餉三千一百一十一兩八錢九分五釐馬乾五千四百五十兩六錢七分

二釐紙紅五兩七錢四分各項雜支五百八十四兩五錢倉斗口糧二千七百八十六石九斗八升八勺馬料二千四十四石二斗二升四合九勺馬草八萬二千五百三十八束至新操津貼查係光緒二十五年甯夏將軍奏准由滿營兵丁內挑選馬隊二百名步隊五百名參照陸軍定章更番操練並選協領以下各官熟悉管務者派充管帶營總及旗隊各官其入隊兵丁每名每月酌給津貼銀五錢管帶營總及旗隊等官每月統計津貼銀一百兩除六臘兩月不給外約需津貼銀五千兩副都統津貼銀一千兩共銀八千兩涼州莊浪亦仿照辦理涼州約需津貼銀五千三百兩莊浪約需貼銀二百兩又查光緒三十二年陝甘總督升允與甯夏將軍會銜奏准於甯夏滿城設立駐防中學堂一區選八旗廩增附生三十名

肄業駐防小學堂一區選八旗文童五十名肄業一切科學參照定章變通辦理其常年經費卽在光緒八年奏准實撥馬九百匹內酌裁四百匹計共省馬乾銀三千五百兩以二千兩撥歸中學堂以一千五百兩撥歸小學堂

作爲常年的款嗣後涼莊均仿照辦理涼州約需銀一千兩莊浪兵數較少

約需銀四十四兩五錢所需銀兩而向山甘藩庫領支而將軍副都統城守

尉官俸及米折馬乾料折草折紙紅等項均照章以七成扣發協領以下等

官官俸及兵餉米折等項均照章以五成扣發惟隨餉養廉則照全數發給

通扣六分減平養廉又核減一成所需本色糧料草束甯夏營則由甯夏甯

朔等縣估支涼州營則由武威鎮番等縣估支莊浪營則由平番古浪等縣

估支兵糧通以粟米小麥爲上色青稞大豆爲下色馬料以豌豆爲上色餘

豆爲下色倘同城倉儲下色缺乏准以上色抵撥下色下色抵撥上色或同城倉儲實在無項抵撥准在別屬搬運至馬料一項向估下色者亦仿照兵糧之例一律互抵估撥上色者遇同城倉內缺乏之年或在別屬改撥或估支折價臨時查核籌辦其官兵折色粟米馬匹折色豆草按照各該縣上年十月分時價報部核給支放統計三滿營歲需廉俸兵餉馬乾紙紅工食學堂經費新操津貼等項共需銀二十一萬三千七百六十二兩九錢七釐除各營自籌之款約收銀一萬三千三百二十一兩六錢外實需銀二十萬四百四十一兩三錢七釐由各省關協餉內劃撥近年以來因協餉欠解各營實支七八成不等未能如額開支至本色糧料共六萬三千四石七斗九合一勺草共六十萬九千九百四十四束一分各屬應徵本色糧草內分別劃

撥為國家經常支款向歸內銷今裁

慕壽祺曰自古斷無不亡之國清亡而皇族保全歲給優待費銀四百萬兩此亦前代未有之奇也升允為清室計可以不復用兵矣乃竟逗留青海誘惑蒙番謀燃已死之灰以成偏安之局先生之志大矣其如事之難成何迨至下令逐客始倉皇出走識時務者顧如是乎雖然盡瘁鞠躬至死不懈升允亦清之王保保也哉

蘭州初設回教促進會

附設高等小學地趾在南關禮拜寺是為蘭州回教教育之基礎

案禮拜寺清真教聚會誦經地也其初曰摩尼寺摩尼者回鶻所奉師也其

法日晏食

猶今之把齋

可汗常與共國今之掌教即唐時入中國之摩尼也掌教

階級分三等有至道焉就成就言名曰海革革提有中道焉就內功言名曰

教育司馬都實
慶任後關州
四族有十四方
之多而無求
機關通竭力提
備提督馬安良
贊成之

俗人之無知識者見其制軍所題生活二字謂禮教之民但知禮拜不讀聖人經書不問中國全屬悠悠忽忽偷息人用文心騙誰所謂健體榮柔者也少一先牛解釋可以息矣

康倫獨立風雲日緊升允實有力焉為前清謀之恢復王保保

脫勒革提有常道焉就普通五功早脫禮拜五次言名曰舍勒爾提蘭州各禮拜寺

每歲逢把齋日回教徒上寺誦經所行者普通五功耳

壽祺曰南關禮拜寺有匾題曰生活二字清嘉慶時總督松筠題人多不得其解後

閱西洋教育史而恍然於其故矣雅典亞里士多德教育大家也嘗謂人性

之發育有三大階級第一為植物期不過知營養而已繼為動物生活期不

過知情欲與運動而已再進而為人類的生活始有理性與道德故教育家

必因其發達之階級使人盡進於人類的生活為目的近數年來蔣委員長

提倡新生活亦注重道德而已矣挽回世道人心其功不小

甘肅請出兵征庫倫時哲布尊丹巴組織偽政府甘肅軍官周務學等恐青海蒙古被升允鼓舞響應外蒙則西北大局不堪設想因電請中央取道甯

夏進征庫倫為國家遙作聲援應需餉項由蘭州商界暫行籌畫

布魯丹巴為人
利用外蒙
烈戰爭外蒙
域非我所有
影亦受迷帶之

後數年升允
帶日本下級
官數人及僕
人等托名游
由天津而察
爾而宜大而
遠而包頭而
套以至南夏
鎮守使馬福
以舊制情誼
待其優如入
像繪圖如入

案清初崇德二年外蒙哈爾哈三汗請發帑使延達賴刺麻入蒙厄魯特部
 落介於中途亦欲達賴住錫該部達賴無所適從未行外蒙古因入藏之路
 隔於厄魯特乃自奉黃教始祖之第三弟子哲布尊丹巴之後為大呼圖克
 圖位列班禪之次世世以呼畢勒罕轉生如達賴班禪常駐蒙古為黃教之
 第三支派即庫倫活佛也雍正元年哲布尊丹巴呼圖克圖朝於京師而卒
 年九十矣雍正信刺麻甚深未即位前即利用刺麻作奪嫡之醜劇即位時
 又捨其邸為雍和宮刺麻廟故哲布尊丹巴死時親往致奠賜金册封號遣
 使護喪歸庫倫哲布尊丹巴死後五年外蒙來奏稱已轉生於庫倫朝廷賜
 金十萬為之造寺嗣後因轉生時每被王公作弊強奪本人子弟為呼畢勒
 罕故遂用抽籤辦法結果歷代之活佛多屬藏人此為外蒙刺麻之教宗

人之境
資開升
公爲前
爲地重
不切不
元吳不
無以應
升學
尤

前清二百六十餘年庫倫長爲不侵不叛之臣及國體變更蒙族隨時代進

化組織政府欲脫離理藩院之束縛未始非自強之一念所迫而成者也明

年烏蘭察布盟盟長四子王固曾繼外蒙之後倡議自治開會於百靈廟察

喀爾都統張紹曾勸阻不聽即兵圍攻百靈廟四子王遂捲旗息鼓而還矣

慕壽祺曰哲布尊丹巴之宣告獨立也爲俄作俚何其愚哉然默觀世界大

勢日本三島國耳欲擴大地盤非侵我關東華北不足以取威定霸中國果

能登憤自雄彼不敢遽行其帝國主義否則二十年後日本由察哈爾祁連

山等處進兵出玉門關以窺新疆將不利於俄國俄爲自衛計或爲將來援

助中國計均不得不先占庫倫蘭州所組織之敢死團不過虛張聲勢而已

新設秦州鎮缺以馬國仁補授

秦州向設游擊一員中軍守備一員城守千總一員經
制外委二員額外委二員外委並馬兵一百八名步

十國書目及圖一上編卷十七
兵一百四十三名守兵一百二十九名塘汎七日東二十里鋪馬跑泉社堂鎮伯陽鎮草
川鋪北四頭坡石佛鎮轄外汎二曰秦安縣渭水縣此皆昇平時尙可支特現值多事之
秋秦州毗連川陝四川出兵必爭秦州不自干城
誰爲捍禦都督請設鎮守使政府改爲秦州鎮

案日知錄負缺之名自晉時已有之所引晉書王蘊傳魏書元修義傳舊唐
書德宗紀大唐新語證明缺字所由來豈知西漢已有缺稱不始於晉也史
記儒林傳能通一藝以上補文學掌故缺又史記孟荀列傳齊尙修列大夫
之缺而荀卿三爲祭酒焉是戰國時已有缺之名至東漢則成口頭語矣漢
書韓安國傳梁內史缺賈捐之傳京兆尹缺薛宣傳司隸缺又云今當選於
羣卿以充其缺朱博傳九卿缺翟方進傳丞相官缺嚴延年傳左馮翊缺王
莽傳縣宰缺者三年缺之見於史漢者不可枚舉

慕壽祺曰秦州爲用兵者所必爭之地自秦取街冀漢擊西丞建武之平瀾

也出入略蜀蜀漢之伐魏也往來天水晉之徵也乞伏與後秦爭此楊氏與
赫連又爭此唐之亡也岐與蜀爭此宋之削也女真爭此元取徵而遂入川
明定秦而遂克夏四戰之區此爲最劇遺墨廢屯何代蔑有今者人心浮動
蜀隴毗連抱大西北計畫者尤未嘗一日忘秦州也設總兵以捍禦之猶有
三年白匪之來擾七年靖國軍之攻城兵顧可一日不備耶

以馬福祥爲甯夏鎮總兵

福祥前任西甯鎮總兵因丁內艱家居讀禮辛亥之變長庚令其保衛省城民國元年舉充臨時省議會議員多所建白

至是撤除
出鎮朔方

慕壽祺曰美哉其夏州乎山則賀蘭西峙水則大河前橫塞北江南名不虛
矣惟自古爲用兵者所必爭之地昔勃勃都統萬而蠶食姚秦元昊據靈州
而抗衡趙宋同治時之大兵災劉華堂之僞革命塗炭生靈古今一轍豈地

勢險阻有所藉而致此歟。屬祥蒞任以來，憫滿目之瘡痍，本小心之謹慎，撫綏蒙古，調和漢回，不數年元氣稍稍復矣。

回紳金雲崙甘紳郭自修等抵蘭州

先是八月間，蒙藏局致甘督徑電略云：本局特派回紳金雲崙、甘紳郭自修等五員，並隨員團兵等於陽歷初九由京起程赴陝西甘新一帶地方，宣布大總統德意，調和回滿感情，並隨地調查一切原係呈明大總統轉飭該員等遵行業經電咨貴督在案。該員等連日諒可抵境到省後，務乞指示一切加意保護，並飭所屬妥為照料，無任至禱。至是雲崙等先後抵蘭。

馬安良請願省議會擬停甘青各寺院刺麻口糧衣單

其請願書略謂：元世祖至元二十六年冬十月，帝幸

大聖壽萬安寺，詔天下梵寺所貯藏經集僧誦之，仍給所費，俾為歲例。此甘肅番寺刺麻衣單糧之濫觴也。後數百年，又有活佛名號番族習見刺麻車服，赫弈殊以為榮。故有二子者必命一子為僧，且有甯絕嗣而令其子出家者。漢族亦有為番僧者，僧多則又別築新寺，故刺麻與寺院有加無已。於西北文化前途殊多障礙。現在國體變更，所有前朝歲給之衣單口糧擬請暫行停止。倘番僧有願習漢文者，以衣單口糧作為獎品，請公決云云。當由省議員多數通過，咨請民政長核辦。

喇嘛衣單口糧

蘭州府屬共刺麻僧人五百一名歲支衣單口糧八百九十一石六斗

涼州府屬共刺麻二百六十七名歲支口糧一百六十二石四斗六勺衣單

銀三百六十八兩三錢三分三厘

西寧府屬共刺麻五千五百三十一名歲支衣單口糧八千九百九十九石八斗二升六合六勺

又宏善寺歲需香火銀五百兩

安西州永寧橋鸞廟共刺麻二十一名歲支口糧銀一十九兩七錢六厘衣單銀二百六十四兩香火銀一百五十兩

以上共刺麻六千三百二十名歲支衣單口糧一萬五千三百三石四斗六升七合二勺口糧衣單銀六百五十二兩三分九厘香火銀六百五十兩

又青海各王台吉共刺麻三十名歲支俸銀九千二百兩

十二月省議會議決各州縣驛站停止

甘肅各廳州縣及分州縣計有驛站費者七十屬舉其重要內分四款一工料站價係驛

站夫馬所需工食款料銀兩歲由司庫請領八萬一千三十二兩由各屬留支銀四萬九千八百兩二共銀一十二萬一千一百三十二兩一軍塘鹽菜運脚料價查此項惟安西州與

玉門縣有之緣地處邊徼軍塘荒僻須格外惠以鹽菜而草料自遠運至費又不資是為特別之款歲由司庫請領銀一萬五千八百三兩內安西領銀一萬一千四百三十六兩

玉門領銀四千二百六十七兩一倒馬例價凡各屬驛馬倒斃以五年為限限滿者給馬價銀八兩俾資買補若年限未滿則以全價折作十分每年按二分發給所謂二分馬價

也款由司庫請領歲無定額合前數年平均牽算每歲約需銀五千八百九百兩之譜一驛站津貼向惟莊浪廳與紅水縣丞有此款項由統捐總局支領莊浪廳歲領銀三百九十

兩紅水縣丞歲領銀二百兩二共銀五百九十兩以上四款共銀一十四萬三千四百餘兩除津貼一項向歸外銷餘皆歸內 茲經省議會議決公文一概交郵政局轉寄所有

甘肅各州縣驛站咨請都督令行勸業道限元年年底一律停止

省議會咨請都督驅逐蔡大愚出甘肅境

以其主張列帝學說也先是本月朔日省議會開會歡迎陝西代表馬玉貴提學使

馬鄰翼蔡大愚倡言甘人有排外思想有意挑撥各界來賓聞之不勝詫異會遂不歡而散以副議長孫壽祺禁止發言故也茲又於共和黨歡迎場中倡言婦女公共物產業可

西北人民病重
川總教也在民

國元年倡... 共妻之說... 良首先反... 衆遂起而... 會幾何時... 數爲青年... 惡與環顧... 利他主義... 矣今則第... 軍在蘭州... 事與心... 家同心... 德意日... 共處定... 復有防...

以平均聞者無不失色如此詞令不一而足若不設法懲辦甘省人心風俗恐將大受影響過此以往又不知伊於胡底查蔡大愚紳遊幕來甘僅二十餘日乃敢肆口濫觴毫無忌憚好事之徒日從旁慫恿將來漢回官紳軍民各界因此而日啓猜嫌西北大局必致破壞而後已現在潮流所趨學說日新共產公妻外人亦有此說但宜於甲國者或不官於丙國甘肅種族複雜尤不應種此禍根與其追悔於後何如驅逐於前雖遷徙居住自由載於臨時約法然此係指安常守分者而言若大愚之肆言狂妄有意挑撥惡感無論在何省分當爲法理所不容本會爲地方保安起見爲此合咨貴都督請煩查照札飭學司限十日內速將蔡大愚勒令回籍毋得逗遛甘境別生枝節並請架詞唆使之人查明見復此咨都督爲顏面所礙未便下逐客令大愚亦稍稍斂仰公妻共產之說不復聞於蘭州市矣

慕壽曰共產學說創自馬克斯又繼之以列甫達吡動全球矣甘肅土瘠民

窮向無資本家蔡大愚之鼓吹非其時也其被逐也宜哉後二十餘年共黨

全部分來甘所至之處不妄殺人已而改稱紅軍其宗旨以聯絡中國國民

黨及各界一致抗日據各報登載中央已設法收容矣

任命李于楷爲巡警道却之

于楷涼州武威縣人幼從其父雪章先生學光緒壬午舉於鄉益性命於訓誥詞章之學戊戌成進士入翰林部選

李叔堅先生名
不與官道相
來甘涼道馬
駕遊康濟不
後一見或終
矯情叔堅其
笑曰此門一
豈復問乎一
社而

李叔堅先生名

三三

山東蓬萊縣知縣蒞任後政聲鶴起辦交涉案尤為得手總統袁世凱時撫魯康其能專
摺密保未幾擢沂州府知府同寅勸其進省一行曰受得公廟拜恩私室吾不為也國體
改革即東裝西旋家府無所事事喜閱古本水滸並搜羅他書二十餘種或謂此項瑣者
奚足污先生目曰君等但閱坊間所售之水滸而不參以漫竊志諸書不知作者用意之
所在且淮南盜宋江等三十六人中多可用之材後為張叔夜收撫令住浙江勦匪載罪
圖功今杭州有張順廟西湖有武松墓蓋盜也而非終於為盜者矣至是總統任命于楷
為甘肅巡警道並令某總長勸駕于楷一笑置之督軍趙維熙立
候覆命電令武威縣徵求同意縣令再往則十扣柴扉九不開矣
案水滸亦非無稽之談王倫之平妖傳之多目神已見諸歐陽公奏疏及唐介記王漁洋
皆詳解居易錄矣又六和塔在進瀟浦上塔下舊有魯智深像今毀矣當日聽潮而圓應
在此處進瀟浦下有鐵嶺關說是宋江藏兵處昔江中有盜劫得商舟財物相與攜而藏
其中為伏弩所射而斃自是人不敢入清初時江滸人揭地得石碣題曰武松之墓當日
進征哥奚用兵於此稗史所傳當不誣也惟杭門湧金門金華將軍廟俗傳即張順歸神
則無稽矣今又譌為青蛙將軍史言劉豫降金驍將關勝不從殺之是關勝亦有其人但
不可據為水滸之關勝耳是
則稗史小說時亦有所據者
慕壽祺曰叔堅先生旋里後自以前朝官吏匿光刻采雅不欲與人通而士大夫之過涼
州者無不造廬請所益或趨謁十餘次終不得一見於是議者謂其崖岸自高豈知晉亡
而有陶潛願遂歸田之志齊滅而訪于蠅乃崇秉禮之
臣叔堅殆今之古人哉君子讀明夷之卦蓋傷之矣

何念中王之佐等請開辦省城高等地方審檢廳

山丹縣議員何念中張掖縣議員王之佐提議各級審檢廳案其文

曰請按立憲諸國無不為君主為民主其司法權無不與立法行政分立者也法院獨立以掌之不附屬於他機關法官守獨立之範圍不受他機關之干涉故非法院而並理審判不惟民主立憲國無此複雜法理即在君主立憲國亦無此複雜法例向者吾國因法律不完全使東西列強在吾領土內得有領事裁判權海牙開會其日我為無法律國擬備諸二等之列嗚呼樽俎之間相形見絀凡屬血氣之倫能不思雪此恥前清有鑒於此始有籌設審判改良法律之議所以於籌備憲政清單內限定省府州縣各審判廳分年一律成立審司法機關固政二權之一而進行憲政尤有不先從事於此者也甘肅省城各審判廳幸已成之乃成立未久旋因改革事起遽然停辦聞彼時停辦理由第一曰庫款支絀第二曰審判為不急之務而已今已改建共和政體使不組織司法機關雖明許人民有法律保護之權究無由得法律保護之實恐全球無此似是而非之共和即吾民族亦難安此似是而非之憲政在甘肅一隅自為風氣固不足惜其如中華大共和國全體之缺點何貽外人之訕笑為同胞所齒冷爾人雖愚當不甘心受之也至於庫款支絀審判為不急之務二理由尤為毫無價值之談判請分別解決之一查司法經費本國家費非地方費也國家費由政府指定款即不足亦由政府設法補助刻值百年度更新治權統一萬不能不於此種經費統籌辦法現按照原定部章省城二級四屬每年經費不過五萬餘金每月不過四下之譜甘肅雖窮豈月支三四千兩亦難勝挪財政種種之紊亂虛糜勿論矣以一州縣一年之進款作四廳一年之經費而有餘前經裁裁之首縣而不裁早經議撤之發審而不撤於彼虛設之行政費曾不肯稍從末減於此少數之

司法費則動言羅掘俱窮此等理由其誰信之此理由之可解決者一二又查去年停辦之時各廳奉有法司明文云係暫停兩月一俟餉源稍裕廳員薪俸仍應照舊補發夫既允補發薪俸矣而令各廳員投閑置散此種政策其意何居况以四廳經費計廳員薪俸已居十分之七既有補發之明文則雖遲之又久斷不能不實踐其言是此項經費止可謂之通挪不能謂之節省所節省者不過遣散之承發吏司法警察等口食及油燭紙張筆墨費而已通盤合算為數無多杯水車薪於事何補此理由之可解決者二三審判廳署為小民觀瞻所屬且制有一定規模以故建築有費開辦有費法官考試復有費總計不下十萬之譜凡所為都重其事鞏固其司法基礎耳自停辦之後廳署既借人居住推檢亦任其夫留將來另行組織不准大費手續抑且又耗巨資擲黃金於虛牝所謂節省者安在此理由之可解決者三四查彼時停辦之事實特因軍費旁午全隴戒嚴籌餉籌兵日給不暇尙復何暇及此故毅然停之然統計省城四廳經費每月開支僅足楚軍餉章一營旅之用多此一營旅究於共和時局無甚裨益往事無論已現值政體更新如猶以為不急之務而不謀進行豈共和時代反不如豫備立憲時代乎夫國民之所急趨直追不惜犧牲其生命財產爭此共和者非欲享法律之保障乎使審判不開將何以保人民之生命財產所謂法律之保障者安在相背而馳由假立憲而演成真革命再由真革命而演成假共和雖隴上風氣閉塞其能免旁觀者之冷嘲熱罵乎此理由之可解決者四五如謂甘肅人民久服從於行政官廳之下一旦改設審判恐少見多怪不免有扞格之虞然自各廳開幕以來凡屬民刑訴訟無不照章辦理輿論久已稱便勿論合議制度於向來賄賂請託諸弊一掃而空即其審理之迅速刑罰之減輕訟費之規定使人民免受無限痛苦無限拖累較諸州縣衙門得失不難立判第不便於舊日差役之需索房費

門丁之訛詐耳往日政府何嘗不明此旨故屢降明諭督促進行豈今日而反以爲不急之務乎此理由之可解決者五六如謂州縣各官閱歷既深案情已熟不妨以之兼理可免另設官廳省此經費然一人之智慮有限認獄之變幻無窮在專制時代不妨以三木淫威含混了結今則尊重人格即不能不保護民權稍知法律者豈甘受專制餘毒屈伏於無理審判之下治亂所關至重且要以此爲不急之務不知何者爲當務之急矣此理由之可解決者七以上各條謹就去年停審判時所持理由解決之查中華民國臨時約法第五十二條云法官在任中不得減俸或轉職非依法律受刑罰官告或應免之懲戒處分不得免職等語據此規定則審判之職務固不能無故停止去年甘省停辦審判雖由戒嚴命令與無故停止者不同然究未通知政府未經司法部裁可以故審判之職務雖停而法官之關係未斷今者法政學堂已開辦矣各項新政亦漸次擴張矣而獨於司法機關一任其推倒而不知問在長官對待之法不過曰餉源尙未充足耳夫論甘肅目下情形餉源絕無充足之日如使餉源一日不充足即審判一日不開聽來日方長河清難俟勿論未經籌辦之審判難望成立正恐已經成立之審判亦從此中止矣而高等廳丞及檢察長每月支用之薪俸其亦可以節省矣本員爲遵憲法權以期無背民國政體起見用特提議伏希公決當由省議會開會全體贊成咨都督轉令提法司辦理

慕壽祺曰法適者用法之地也雖然不用法其奚以平亂補用法適足以趨亡老子曰法生於義義生於禮禮適合乎人心此治之要也亦即法制之精神昔者子產治鄭不專於寬武侯治蜀法行知恩中國比年以來其相締造權利競爭十氣騰張人心浮動迫以交通之世處於積弱之秋不鋤非種恐致亂苗不除害馬恐致敗羣蓋刑所以殘民亦所以厚

民刑所以處民亦所以安民惟嚴於用刑而後可以言刑措否則法制日即於頽廢而不可復振故今之天下欲人人有法律思想必先自官吏守法始

十二月臨時省議會呈請中央早定服制

略謂宋王巖叟為涇州推官聞弟喪棄官歸養明彭澤初會試聞母病即歸闈中已

擬元以無三場卷置之今有出宰百里遇父母喪應否丁憂無人過問當大事者鮮衣盛食無異平時但俗安之恬不為怪昔晉人故曠禮法之外其時陳壽居喪使婢丸藥坐廢謝安石有期功服不廢絲竹人猶非之當茲國基初定人心浮動應如何斟酌古今規制服制之處靜候明示以釋羣疑

慕壽祺曰宰我欲短三年之喪聖人非之况敢廢而不行乎西北蒙藏兩族

素無所謂服制也元順帝時蒙古有效漢人丁憂者矣洗岷番族與漢人雜

居近有開孝者矣甘肅為文化發源地欲正人心變風俗舍禮其何以哉

省政府保護野獸禁止奸商私售毒藥

狐皮為甘肅一大出產獵戶向用土槍射擊前清光緒二十年後商號由京津運來一種

藥品名為鬪野狐藥或裹以牛肉或塗以羊脂或攪以麵粉俟夜靜時置諸狐狸所常往來之路狐不知其中之有毒也吞之立斃繼而毒豺狼毒槍狸奏效甚捷獲利甚豐商人販運亦最多若不嚴加禁止二十年後野獸恐絕種有心人憂之呈請保護野獸禁止省城奸商不准私售毒藥犯者利罪並通令各縣一體遵照

案北冰洋一帶島嶼本爲野獸之出產場獵者取之而生生不已自殘酷嗜利毫無仁心之挪威大佃獵家以斯篤里尼涅及他種毒藥搜捕野獸爲一網打盡之謀不數年間狐類寥寥如晨星各國獵戶尤而效之坐收自然之利幾至竭澤而漁後爲各國政府所知加以限制不惟不准用藥毒殺每年獵獲數目亦爲規定自各國明令禁止此種毒藥流入中國而甘肅受害無窮此西北皮貨日貴之所由來也

案民國二十三年五月內中央政府特定鑄除烈性毒品暫行條例甘肅省政府已通令各縣政府轉飭所屬務使各地毒氣於最短期間肅清並由財政廳通令各特稅局查拿奸販嚴禁烈性毒品入口並將奉到命令兩達本地法院以後對於此項犯案即照條例辦理

又甘肅野牲之類甚夥有以食品著者如熊掌如鹿筋皆著名佳品有以藥材著者如熊膽牛黃如鹿茸麝香皆著名珍品但諸品產數鹿茸最多麝香次之鹿青色無斑與關東梅花鹿異其茸力稍遜故價亦較廉餘皆零星不成莊故完整者甚少若著名大宗皆在皮張其尋常貨品則有狐皮豹皮狼皮虎皮狢皮海青天馬烏雲豹吉祥豹水獺旱獺之屬特別貨品則有金線狨皮狨形類猿而大毛長尺餘俗傳以猿爲食每行十百爲羣大者前小者後抱子人立而行獵夫從後截擊前者不顧而去若迎擊其大者全羣俱止抱子者安置於地以草覆之皆挺胸以掌指腹令擊示以共死故獵夫無敢迎擊者斯亦奇矣

幕壽祺曰霹靂一聲辛亥革命至民國元年革命既告成功各省代表會議

一自共和告成每一
段評語與國家
大事背與國家
先事問極其於
百忙中帶絃成
豐幸熱河英人
入北京火圍明
國為後人修史
資料少堂也是
遺論意思

按照臨時政府組織大綱選舉孫文為第一任臨時大總統當在南京舉行

大總統就任式是年元旦遂為民國臨時政府成立之第一日於是久困於

君主政治下之蒼生沐此千古未有之新光皆忘其革命之辛苦清廷遜位

袁世凱以革命首功得為臨時大總統以清宮為政府南北愉快欣慰無復

有較此以上者不圖人民之希望未遂南北分爭倏忽又起甘肅四月十九

日省城兵變八月十五日鞏昌兵變與北洋某軍之變於北京地異而事則

同也

癸丑二年春正月都督趙維熙與比商賀爾慈私立借款草約慕壽祺力爭之是先

元年八月趙維熙交議借比款案省議會駁之現在閉會時間又值新歷過年省議員

多半回籍正式省議會行將成立維熙乘此機會與比國化驗師賀爾慈重提往事比國
政府借甘肅政府洋一百萬元甘肅政府以黃河沿岸款金抵押由西甯碾伯縣起至甯
夏石嘴山止長一千六百餘里已立草合同參議院員田駿豐耳有所聞致函副議長慕

壽祺略謂頃聞有人請官府以金礦租與外人擬訂草約駿豐到省亦贊成此舉等語聞之不勝駭異余對於財政問題向以開源節流能自贖立為宗旨從不主張借債租押之說去夏在京接趙都督電以擬借外債徵求意見鄙人復電既未贊成此次來省官府從未談及租礦一事贊成說之何自而來會為人民代表懇請先生將弟函宣告各議員是所禱盼壽祺即以箇人名義函詢趙維熙略謂中國礦產之盛自不待言徒以拘忌養深數千年來官禁之民阻之非徒明季為然也前清光緒十年後中國人士始知開礦之利然議辦礦務以來集中人資本師西法開採成效卓著者僅有開平大冶萍鄉三礦而已夫開平礦務以李合肥之雄才大力輔以唐廷樞之苦心孤詣經營二十餘年始觀厥成一途變亂即為外人攫取大冶萍鄉一鐵一煤互相為用其利靡窮尚為中國所有其他無盡地寶或因案交涉一入條約而某省之礦斷送他國矣或被入勾引一給字據而某縣之礦多屬洋商矣或以開為守保我利權而無形之損失莫可挽回矣或需款孔殷租人開採而他日之收還殆不可必亡羊補牢已為晚矣甘肅所有者產礦之基礎也甘肅所無者開礦之資本也地主之權甘肅當自操之礦商之利外人不妨共之斷無舉黃河沿岸之沙金礦押借於外國也者天然之利遂為他人所奪而交涉恐因之以起矣都督閱若罔聞者第二次質問略謂前清工商部定章凡洋商包辦礦產或合資開採必須繪圖貼說審慎周詳呈由外務部核准方許試辦外省不得私立合同其預防流弊始有深意存焉蓋西人於經濟學理精益求精而又注重殖民政策故對於東亞大陸與一切承辦礦務其訂立合同着着占勝字字有核中政府不加察悉如其意以予之一任門戶開放利益均沾地權喪失挽回維艱况無交涉專門人才往往授人以柄光緒二十九年西歲之役以唐公紹儀為之使臣彼於外交學問研究有年其與英俄訂合同語句

之間亦嘗受人愚弄遂致數百里版圖捧送英俄士大夫至今談之猶指為詭術甘雖邊
遠亦有人在都督何得與比商私訂合同都督置若罔聞第三次質問略謂東南人滿為
患實藏之在於地者已發掘無遺民國九年冬季先總統統籌大局議築全國鐵路而以
蘭州為中心點黃克靈切念時艱創辦墾殖協會而以西北為根據地革命諸鉅子所謂
注重蘭州經營墾殖者蓋見夫隴右一隅與西藏毗連山川雄厚礦苗繁盛自乾坤開闢
迄至於今數千年來兩間精華磅礪積蓄而未洩留以待民國之疏通助政府之收入
利西北正所以濟東南也全用用途將於是乎在今一旦抵押於比國將來墾殖協會來
甘籌辦主權在人從何辦起趙維熙始答覆其原函云少堂議長執事奉示祇悉俾論深
謀亟所傾佩查共和統一係法治政體不比從前督撫得以制制一切言莫予違此事既
發起於各主管衙門刻下公事既未出現弟即無從簽字將來決議之權在貴會執行之
責屬鄙人且事關交涉尙須質之於中央政府正非一二人之私見所能獨斷獨行也公
關懷桑梓不惜瀝膽披肝具徵熱心毅力弟雖愚昧然亦略知天下趨勢何忍以九百萬
生靈陷諸不
測之淵耶

案新唐書蘭州土貢鉄金廓州土貢鉄金宕州土貢鉄金清定續通典文州土貢鉄金肅
州土貢鉄金何謂之鉄金肅甘肅金礦鉄有三種一曰豆金小者如宵大者成塊有重至
數錢者頗不易得一曰礦金含於石質中必先錐碎而後淘汰事難而工費故開採難一
曰鉄金質薄成片形如麥皮故名曰鉄金沿河粗沙中往往有之窮民或十餘人或八九
人或二三人聚集一棚名爲一牀其牀係用木板製成在河邊掘
小溝兩人上下翻搖沙隨水去金落溝中其取也之似易而實難

英人白理克氏游歷至酒泉

先是宣統初元英人司泰英氏游歷新疆窮搜其地於沙磧中發現宋以前古物甚多悉歸倫敦蓄之博物館日

本瑞超野村營二郎二君聞司泰英之風亦欣然往於嘉峪關外各縣所獲古物用馬七十頭載歸全是英植礦學博士白理克氏來甘游歷在酒泉駐數月親往安西玉門敦煌等縣雇用上人數十名各持圓匙十字鍬等隨地發掘凡夫長城之土陽關之磚昌馬之石油六朝之銅前代之竹簡古寺之背光肅州金廠之礦苗敦煌石室之壁畫與夫殘碑斷碣零木碎經又從瓦礫堆中搜集斷椽破甍東拼西補以推測古人建築規制之為何者向為中國所擯棄而遂湮沒以終古者彼皆認為極可貴之物可供歷史上之研究資料悉捆載以歸甘人視之以為無關重輕任令游歷之外人搜掘一空古德有知將若何感歎耶

慕壽祺曰西人來甘游歷日絡繹於途余獨取乎白理克氏者以其所論者高而所見亦甚遠也就中國大勢而論中心地點其在蘭州乎氏獨謂蘭州規模狹隘不足以控制西北肅州接連天山產生金礦石油以待將來之開採且其氣甚旺登嘉峪關城樓縱橫四顧兒夫蒼蒼莽莽鬱鬱蔥蔥萬里壯圖心胸開拓於此而遷甘肅之省會誰曰不宜噫若英人者可與論天下事矣

都督趙維熙請任命各縣知事並改州廳為縣

省政府議決外道暫仍舊制缺擬裁所有各直隸州各軍州各撫民同知

一律改為縣應補各知事甘肅儘有相當人員都督遂即呈請補授所有各縣名稱有表錄附編

案呂新吾先生明職篇知州知縣之職人稱之曰父母父母云者生我養我者也故土地不均我為均之差糧不明我為明之樹木不植我為植之荒蕪不墾我為墾之逃亡不復我為復之山林川澤果否有利我為興之訟獄不平我為平之兇豪肆逞良善含冤我為除之狡詐百端愚民受害我為助之嫖風賭博扛幫癡幼我為刑之寡婦孤兒族屬侮奪我為鎮之盜賊劫竊民生不安我為弭之老幼殘疾饑寒孤獨我為收之教化不行風俗不美我為正之遠里無師貧兒失學我為教之貧民交易稅課濫徵我為積之獄中囚犯果否得所我為恤之斛斗秤尺市鎮為奸我為一之貧民交易稅課濫徵我為省之衙門積糶狼虎賊民我為深之吏書需索刁勒吾民我為禁之徵收無法起解困民我為處之游手閒民蕩產廢業我為懲之異端邪教亂俗惑民我為驅之庸醫亂行民命枉死我為訓之士風學政頹敗廢弛我為興之豪市集籍專利虐民我為治之捏空造虛起禍誣人我為杜之聚眾黨惡主謀唆訟我為珍之火甲負累鄉夫騷擾我為安之某事久廢當舉我為舉之某事及時當修我為修之民情所好如己之欲我為聚之民情所惡如己之讎我為去之使四境之內無一事不得其宜無一民不得其所深山窮谷之中無隱弗顯婦人孺子之情無微不至是謂知此州是謂知此縣

以田駿豐署甘肅巡警道

巡警道賴恩培都督前任陝西學政任內所取之拔貢生也素為都督所信任舊歷除夕不知如何想入非非挑撥各軍

隊見馬安良則曰陸洪濤周務學兵將變見陸與周則又曰馬安良所部回隊今夜必謀變及黑幕揭穿始知恩培所言純係空中樓閣各軍聞擬運電中央請照內亂罪嚴懲都督而為營救許解恩培職解京交法廳審訊所遣巡警道一缺以國稅籌備處長田駿豐署理以舊蘭州府署為辦公處

案蘭州府署即清初鑄錢局乾隆三年巡撫尤展成疏請將臨洮府知府移駐蘭州省治以錢局空閒地基寬廠原舊木植磚瓦儘堪挑用途改爲蘭州府署民國改元先作蘭州道署甘肅全省警務處二十年冬改爲蘭州警備司令部二十一年六月十八日又改爲綏靖公署

省政府擬修蘭州街道

甘肅僻處西陲氣差晚祇因交通不便以致行旅視爲畏途而務未能發達是非創修鐵路不足以策富強苟且補苴其間

政然交通之利大者在鐵路之暢行小者在市人之利便遠者爲省外道路固當其荆榛近者爲城內街衢先宜樹之標準著皆民事所不可緩也蘭州省會大道向鋪石板上年蘭州道彭英甲改築馬路舊石概經起去樸者蕪而堅者碎浮慕文明不關永久工料既不結實養路經費又無所出於是旱大車之所軋滯雨之所侵夷路變爲深坑污穢衆於衢巷署都督兼民政長趙維熙集合官紳再三商略僉謂願一勞而永逸當籌款以大修查河州產石頗堅水程可運至省擬將四城大街照舊改鋪石條如魚脊中高邊低兩面開溝既能載重且可洩水實爲一勞永逸久遠之圖惟是工程浩大庫藏空虛集腋方可成裘聚卒乃能布地我甘人士不乏熱心公益合行出示曉諭爲此示仰紳商軍學各界各舉公正殷實董事數人齊集藩司巡警道兩衙門徵集意見籌畫進行於春初趕辦石料於三月即便興工

案海外各國各競文明入其境潔清而坦夷不特內政修明即外觀亦無蕪穢不治之象規國者每於此驗人民之程度焉中國開化最早其視路政亦最重周官分職有條狼氏以滌除狼羆有野廬氏以達之四畿而又遂師以巡之候人以守之司險以捍衛之斯於蕩蕩平平而不至於傾險詩云周道如砥其直如矢君子所履小人所視其斯之謂與

幕壽祺曰今各省修汽車路汽車所行謂之公路政府派專員修理各縣派民夫做工民勞動而終日不得一飽難保無敷衍塞責處胡可泉先生有言曰頃見渭北有二渡渡有橋其徑民輸財以修其道官取財以修每月民橋修必先官橋修必後每月民橋敝必後官橋敝必先甚矣官之修不如民之修也欲甘肅公路之堅且美也尙其盡心哉

第一屆省議會成立

遵照內務部所規定甘肅應選議員五十六名至是行開幕禮當場投票舉閻士璣爲正議長楊思趙守愚副之議員坐次另有表

都督相維熙電請覲見總統許之

維熙起自翰林驟膺疆寄經驗不甚宏富性情又似執拗自賴思培解京後益復無聊嘗言吾亦欲

東去山安能鬱鬱久居於此乎電請開缺不許請之至再至三始准其來京覲見

以內務司司長張炳華代理甘肅都督兼民政長

趙維熙辭職後連電密保張炳華堪以督甘中央令其暫行護理至

甘肅財政司司長以巡警道田駿豐署理

慕壽祺曰趙維熙援筆爲文長於藝疏維維乎金華殿中人語也及建牙開府粉飾承平共和其名專制其百斯時民權漸伸一經質問籍口結舌倉皇失措惟有巧計脫身貽害邊疆繼任者取鑿前車事事用繩終手段久之則羽毛豐殷被其毒者非僅田畷豐一人已也而時之弊官問者至是寂寂無聞矣

省政府令甘肅各縣建關岳廟

肅帝自有清一代尊崇備至甘肅各府廳州縣皆有廟祀典與文廟同窮鄉僻壤多修一義廟則爲三國演

義桃園結義事所關山陝商人復稱爲伏魔人帝天下財神不經其矣岳鄂王廟惟皋蘭甯夏有之其廟始於前代忠祠因精忠祠又爲小說中精忠傳所附鄂王諡忠武稱爲岳忠武廟較爲確切但忠武二字知之者鮮現奉內務部令關岳合祀尊爲武聖護督張炳華通令各縣照民國典禮迅速改建以隆祀典而符部章並隨文頒發關帝三代暨生年月日官爵考俾知桃園結義之俗說宜闢伏魔大帝之稱號官更

附關帝三代暨生年月日官爵考

帝以英雄而稱夫子威靈赫濯歷代加封婦人孺子窮鄉僻壤一聞其名莫不崇拜惟三代無從查考亦考古者一大憾事前清康熙戊子博平人潘井得巨磚言帝家世源流甚詳山西解州牧王朱且立石於是帝君三代乃大

彰於天下後世據碑云帝祖石磐公諱審子問之漢和帝永元二年庚寅生居解州常平村寶池里公冲穆好道以易春秋訓子卒於桓帝永壽三年丁酉享年六十有八父諱毅字道遠性至孝父歿廬墓三年既免喪夫人芳掩於桓帝延熹三年庚子六月二十四日生帝乳名壽長名長生後父母繼喪

自名羽字雲長

杜牧詩矯矯雲長勇而卻
巖風讀長篇上許者誤矣

以寓遠舉之意配胡氏於靈帝光

和元年戊午五月十三日世人傳之明會典亦載之此第言一戊午也而附會者流遂謂帝君八字為四戊午不但其人奇其事功奇即降生年月日時亦無不奇一若天生聚人幾經選擇始成古今來有一無二之奇格愚不能無疑焉帝卒於漢獻帝建安二十四年史不書其壽元人胡琦考當在六十七上下果生於戊午僅四十有二不合一戊午乃靈帝光和元年考通鑑目錄

是年四月庚戌朔五月無戊午不合二古人始生止記年月日不及時卽唐李虛中推命猶不以時此見韓昌黎集安有帝生於東漢而面傳戊午於千載下乎此見潛邱劄記乾隆朝閩百詩先生之所著也不合三據此三者四戊午之說不足信矣至帝解白馬之圍漢丞相曹操嘉其功奏請天子封爲亭侯食采漢壽是帝受爵於獻帝非屈身於漢賊也夫亭侯在關內侯下爵之最小者耳漢壽地名或者不察誤讀漢字爲讀壽亭侯三字爲句如此者非一人矣壯繆侯字樣蜀後主所追諡也忠武王趙宋時封號也帝君明神宗封福藩時有靈應而尊崇之也宜稱漢前將軍壯繆侯爲正萬歷二十一年賜額英烈考會典順治元年定名五月十三日致祭九年勅封忠義神武關聖大帝雍正三年詔令天下郡縣祀以太牢禮嗣又加封靈佑仁勇威顯

護國保民精誠綏靖字樣夫由侯國王由王而帝歷代尊崇與孔子同

岳鄂王諡

宋贈鄂王岳少保諡忠武文曰李將軍口不出辭聞者流涕齒相如身雖已死凜然猶生又曰易名之典雖行議禮之言未一始為忠武之號旋更武穆之稱獲睹中興之舊章灼知皇祖之本意爰取危身奉上之實仍采戡定禍亂之文合此兩言節其一惠比孔明之志與漢室子儀之光復唐都雖計効以或殊在秉心而弗異垂之與丹何嫌今古之同辭賴及子孫將與山河而並久然今天下岳祠皆稱武穆此未定之諡當稱忠武為宜

三月送學生趙元貞等往美國留學

甘肅送學生赴英
美留學自此始

案真甯縣舊志載趙邦清明萬歷壬辰科進士初任山東滕縣知縣以實心行實政大吏聞於朝擢知府後因公免職家居親耕賦故時以忠義自矢及四川奢寇之變起遵義道參議招撫降叛恢復地方深入蘭穴殉難事聞追贈光祿寺少卿蔭一子神宗歲旨守其益矢公忠堅持清白語時萬歷二十九年十二月初六日也初邦清任吏部時以正甯民貧累疏革鹽商協濟鄉人德之請建祠以祀詔可後高麗使臣謁景公祠題三清字於其壁謂景清羣清及邦清也皆真甯人

元貞世居正甯趙參議邦清之後裔也民國二年赴美國留學八年畢業美國柯州礦務大學得礦學工程師學位是年由美國礦務部派員考准礦廠救險員均給有證書充滿

爾登煤坭礦救險員九年畢業美國哥倫比亞大學得冶金工程師學位得有證書是年
在華爾克冶金銀冶銅冶鉛各廠實習並為甘肅省震災籌款十一年畢業美國畢次
般大學鋼鐵門通過委員會考試得博士學位執有證書是年組辦華府會議中國後援
會畢次般工廠林立該大學最後一年每週均往工廠參觀一次冬十一月歸國在教
育部呈驗證書候差旋由甘肅督軍
陸洪濤電調回甘署教育廳廳長

慕壽祺曰胸中無二萬卷書眼中無天下奇山水未必能文縱文亦兒女語耳子長足跡
遍天下而其文始奇于京州以後詩境亦老子厚播透非人之境而轄記與山水並傳
子瞻海外之遊所為詩文皆自歐州歸後始成其儲屋萬里枕櫛一宿竟足筆墨間縱橫光
怪之所變現此皆古人之遊記也惜所學僅在中國區域天將使世界躋於大同而以歐
化為中外溝通之具風氣所趨舟車所至救我之弱學人之長師夷制夷此其時矣使相
如枚舉不兼習今日科學之書則必不能發為文采使管仲孫武不研究各國軍事之學
則必不能協其機宜留學者實當務之急送留學生出洋尤以多為貴以甘肅地居邊遠
有留學於美澳者矣有留學於歐州者矣至其負笈東瀛近在咫尺日往月來而歲不同
矣他日所成就
夫豈有涯涘哉

國稅廳籌備處長張世英請提各縣陋規

陋規各省皆有而惟甘肅為尤甚前清
專制時代習慣自然非一日矣官之貪

者方恃區長書差為鷹犬斷不肯裁廉者恐貽後任怨亦不敢裁紳士
又疑縣署視為利藪隱忍不言日甚一日無所底止世英乃議而裁之

幕毒祺曰去猛虎之爲害者焚山而不顧野人之菽粟去蛟蛇之爲患者斷流而不顧漁人之網罟甘肅各縣陋規上下相蒙擾民太甚世英裁之誠是也或阻之曰弊之去當以其漸若雷厲風行一旦革除恐他日所滋之弊更甚於往昔而世英不顧也蓋其心惟以利民爲主所利者大則其所害者小未來之事奚足慮哉

省政府令各縣設閱報室

從教育司馬淵翼之請也是爲甘肅提倡社會教育之始

案唐詩話韓翃久家居一日夜半客扣門急賀曰員外除駕部郎中知制誥

曰誤矣客曰邸報制誥闕人中書兩進名不從云云孫樵集中有讀開元雜

報一篇則唐時已有報紙矣宋史劉奉世傳先是進奏院每五日具定本報

狀上樞密院然後傳之四方而邸吏輒先期報下或矯爲家書以入郵置奉

世乞革定本去實封但以通函騰報從之呂湊傳儂智高寇嶺南詔奏邸毋

得輒報溱言一方有警使諸道聞之共得爲備今欲人不知此意何也曹輔

傳政和後帝多徵行始民間猶未知及蔡京謝表有輕車小擊七賜臨幸自

是邸報聞四方邸報字見於書史如此然惟官吏聞之民則未之見也中國
民智之不開通率由於此

國稅廳令洋商照章納稅不許重用子口稅單

時處長張世英整頓稅收剔除積弊
又新增皮毛產場稅洋商仍藉口海

關所發子口稅單希圖倖免世英乃說明理由其辭曰甘省出境土貨以羊皮為大宗而
每年所收稅捐寥寥無幾推原其故全受一聯報單之影響自洋商由海關領三聯報單
入甘購買土貨換連單沿途經過卡道皆查驗蓋戳放行內地奸商希冀免釐假冒影
射並脚戶包攬夾帶每行駝驟千百為氣脚戶故意參前錯後擁擠奔馳如遇司卡攔驗
動以需索留難等語白般要挾橫肆野蠻委畏其氣焰兼以向不收捐之貨亦遂含混
放過遂使精華外溢盡付漏卮不無東城及各省所需皮毛大半購之甘肅何以每年所
收稅捐為數無多至聯單內雖載明中途變賣貨充入官查豐台並非海關卸載出口之
區而連單往往填進全豐台魚目混珠單單買皮貨換連單進至豐臺只完崇文門一
稅沿途局卡盡皆查驗放行夫一崇文門兩稅之貨誰敢對空入官收稅局所亦誰敢問
其沿途局卡曾否納稅是否以一聯單影射而來調查歷年收到連單不但洋至豐臺並
有進至山西交城包頭及東口關各處多宗既非海關何從納稅其為奸商偷漏影射無
疑查洋商領單買貨及至海關最後子口納稅在洋商素講信義其領單買貨完稅固
不敢取巧惟內有好商偷漏影射不法行爲於甘肅稅捐實有妨礙查通商各款日兩國
如欲重修定章以十年為限非查同治八年中俄改訂通商章程第二十二款內載如有

緊要妨礙之處尚未滿限立即會議酌改等語今三聯報單買貨不赴海關顯違約章不惟甘肅稅則之為有於洋商名譽亦其有損且為緊要妨礙應請援案將稅率會議酌改况台查單內原有貨抵第一子口即應赴海關完稅之語是換連單之日即應完稅原定約章並無最後子口完稅明文如於換連單時查驗單貨相符即在第一子口納稅後始准給單放行在洋商先後同一納稅並無不便而奸商偷漏影射之弊即無從施其伎倆各國領事深明大義必能贊成此舉如海關或以子口減收為詞則請將海關所收抵關繳護單之貨色應完子口稅之數目彙咨甘省由甘省照數批解海關歸款亦無不可如洋商藉口並無偷漏影射即請將歷年換過連單派員赴海關核實明是否依限到關納稅且連赴暨台交城包頭東海關各處之貨洋商應即納稅以籍甘人之口以服甘人之心

甯夏為滿人劃地修築

世界各國人民重有職業以生活安定游手好閑者少則社會自然安甯清代人關以八旗兵士千里轉戰用兵四十餘載入

主中原日在京師則建營房以居之其行則築漢城以居之月頒錢糧飽食煖衣逸屏而無事其有志向上者或就其學或供職王府因邊境之詞八旗官卒本准經商以免與民爭利而視農之穡風沐雨又不勝其苦視工業為卑鄙稱爲要手藝的謂無起色亦不屑令子弟爭習故日無所事事養鳥者有之飲茶者有之其最普遍者則開寶局放印子開礦房等藉權不勞而獲之利由無所謂職業惟對於弓箭箭筒不敢公然視象公立弓房倩人指導每屆春秋則出郊外演放以度其安歲月及乾隆年間人口日繁官缺有限白丁難滿錢糧乃創挑缺之乃其最要之條件一言語清峭二能書自己履歷及三代三弓箭開數方能入選凡年不及十六歲者稱幼丁十六歲以上無錢糧者稱閒散

一得錢糧全家歡悅蓋既博得鄉鄰之仰慕每三年考驗一次又有升遷希望屆期載帽穿靴及灰布褂號坎以符守制其所書之履歷清初漢滿並重司光時但能通漢文即可而旗人所收入之錢糧有因家口衆多不足飽暖者不得不另謀生計以東滿人自爲僕役必須須以易漢姓始能上丁而女子又絕對禁止梳旗頭至旗人之開確房者因禁止經年之故須以常夏人主持價亦自己居東地位否則一務官方查出即獲重罪刑罰寶局者則須勾結流氓地痞以爲護符今之失業者以昔日之旗人爲大多數甯夏將軍常連鎮守使馬福濟有見於此商河道縣爲甯夏滿人籌撥田土並修渠一道俾令自食其力且安日養身家無知者百餘年游惰性成雖有水田無人耕種

夏四月駝捐總局清查各縣駝實數

駝爲甘肅特產河西五郡甯夏平羅花馬池蘭州紅水靖遠等縣均有之而佳鎮番一

縣所產爲最多財政司爲籌餉計在省創設駝捐總局每駝一隻捐收洋二元省外飭令各縣知事代收自辛亥革命甘人出境駝駝東至陝西河南北至張家口等處爲軍界扣留至今未放歸者亦復不少飭令各縣清查並許商人呈報以便交涉

案駝似馬而高頭似山羊長項垂耳棕鬃肉蹄脊有肉鞍隆高若封土有蒼赤黃褐白五色性靜而順喜潔惡濕受濕則病恐牛懶噉糞可愈啖青肥草不食嚼過其臥腹不貼地屈其足大者重千斤高八尺輕行而避踏蟲不傷謔謂蟻聚遺駝蹄以爲雲過也善知人意人欲載輒屈足受之人欲下輒屈足待之能致遠多日不食及甘肅旅人行遠者必用駝執駝人計其所適至之路行三日不食則約之以三日無食五日無食則約之以五日不食期盡則鳴荒蕪之地常有惡風傷行旅風將將至駝先引項鳴以鼻口吸地人見之

則以鹿擁蔽口而避其患又沙漠千里無水有伏泉蛇過其處遽停不進以足跑地掘之常得水駝具十二生相備五德羊首龍項雞目馬耳鼠唇蛇尾牛齒虎胸犬腰猴毛兔脰豕趾十二相也舒行而輕蹄蟲不傷仁也一駝未至羣駝不飲一飲未畢羣駝不去義也一駝為之領羣駝從之不敢先不敢犯禮也風未至而先覺水未見而先知智也約食之期不至不鳴信也此之謂五德國人常攜至遠域地土高潔其性不移若地土卑濕則失其性

五月國民黨組織大河日報社

將以發揚輿論也先是甘肅官報登載內閣諭摺采擇各署公牘及各處所來電報使省內外略知時政要領

其裨益於民智者不無小補乃宣統元年以來奏章咨符月稍涉繁要者皆祕而不宣京津滬上各種報紙稍有新思想謀改革政治者皆禁之不准出售社會方面雖欲偶開眼界而其道無由又遑論夫報社政府壓制之力愈堅人民憤激之心愈烈卒至衆議蓬湧舉國沸騰武昌一呼西北響應君政之天下變為民主之國家甘肅地處邊遠官吏壓制如故說者謂隴右一隅毗連蒙藏接岷崙之遠脈踞黃河之上游磅礴沉鬱古稱陝區宜可以進化神速踔厲風發以大放其陸離瑰璋之光乃竟否言悔塞儼同甑脫刻下氣象一新欲易黯澹之場躍而為文明之會非有健全言論之機關司鼓吹而資灌輸終無以發揚民智各縣旅省同人僉云民國元年春蘭州日報亦嘗出版但權操政府迹近機關雖有報與無報等吾儕為中華民國之民甘肅為黃河發源之地宜集資組織報社名之曰大河從此民氣發揚文化優美進步之速一瀉千里若決江河沛然莫之能禦或謂籌款尙易環境為難使報社開而官廳不予保護將如之何僉曰是可無慮胡文忠公有言曰事到其間惟有放手放膽非強拉人不為功尤應不惜費不憚勞盡力而為之耳酒舉

提督馬安良爲計長請國民黨存款六千元
派人赴京津購辦機器紙張至是始出版

案甘肅官報局設於省城西關貢院內係以省城舊有排印手搬機器一架
二三四五號鉛字三付三四五號銅模各一付存於陸軍學堂半就殘缺亦
不知其購自何年之者三十二年經蘭州道詳請移置農工商礦總局附近
並添購手搬機器一架三四號鉛字各一付三號銅模一付及煤油器具等
件由統捐項下籌撥經費銀五千六百餘兩作爲資本選印甘肅官報及各
衙署局所公文章程書籍等項派委佐辦收支主筆校對兼督工各一員校
對生四名書記四名匠工雜役共三十九名學徒十九名光緒三十三年十
二月彙案奏咨立案宣統元年七月因節省經費裁撤校對生三名二年春
季因事務日多詳請另刊關防並添委監關防委員一員計薪工局費紙張

工料歲需銀一萬五千七百三十三兩所收報資及刷印收入尙足相抵列爲地方經費係營業性質民國元年取消

幕壽祺曰報之類多矣若日報若時報若旬報若星期報若半年報報之以時期別者有之若京報若津報若滬報若各省報各縣報報之以地址別者有之若學報若政報若軍報若商報若實業報若鐵路報報之以性質別者有之報而以大河稱閱者一望而知爲隴人所組織而成者也夫大河之所以容納百川者以其善下耳上筆者須面面俱到競競自持勿信口以開河勿虛聲而囑喝凡事依正道而行不爲強暴所奪不爲利欲所誘無絲毫遷就委屈於其間言論能自由矣不然者持論稍偏宜於舊不宜於新宜於漢不宜於回宜於學界不宜於政界處甘肅情形極複雜之環境而欲紙貴洛陽

難矣哉

督署令各縣查有販賣軍火者即行扣留解省

清末番勢漸張由西甯所屬之溫澤貴德循化化隆各縣回漢民人皆能

為番子衣冠通番子語言並熟番私販茶葉火藥口糧潛往番地貿易各屬蒙番歇家擇山僻處所私開旅店銷變贓物亦所不免無小則引誘野番變境邊境有事則潛與報信抗拒官兵那彥成辦西甯番案謂欲除外患自應先絕內引由山本津源之道近來情形又為之一變番民往庫倫一帶私購軍火夾入羊毛中運往溫澤又有歇家狼狽為奸竄與內地居民以致檢校日繁電流充斥該督張炳華耳有所聞令各縣認真查禁以遏亂原而安良善

裁甘肅各縣學官別設官奉孔子祀

有清一代府設教授州設學正縣設教諭及訓導新設分縣則有復設訓導皆為管理學校之

官俗稱為學老師者也自學校設科舉停而學官依然

在也至是裁撤令舉地方有德行者為文廟奉祀官
案明初詔復科舉以經義取士時去宋未遠聖道昌明教育上之舉舉猶小迨其後士子競為浮華放誕之時文以弋取科名舉人下第者願就教為保士升又自納粟納馬準入監之例一開而市僧走卒皆得辱我宮牆故李承芳著論言近代以來害天下之人心者莫基於學宮壞天下之士習者莫基於科舉率天下為愚者莫基於學官可一切罷之另設郡邑鄉學求老師宿儒之有德者為之師學者必以六德六藝六行立其本以經書農田水利及錢穀兵甲律令之類擴其用其言雖激頌中肯要并稍合現代之學制毋謂古

人之愚潮不及人今也清末亦
復如此教職有不得不裁之勢

